



16954

I

Maa. St. Dr.

P

Michael Korybut

*Laudationi Curimir: Gloria orbi San-
matus consensu monstrata a Deo data et pere-
niss, ac Potentiss. Principi Michael Kory-
but, inelyto Regei Poloniarum exhibita,
Warsaviae. 1670.*

PANEG. in VITAE

Polon. 4^e

1148

Gloria Orbi Sarmatico

Consensu monstrata, à

DEO data,

⁊

SERENISSIMO AC POTENTISSIMO

PRINCIPI

MICHAELI

KORYBUT,

Inclyto REGI Poloniarum,

Magno Duci Lithuaniae, Russiae, Prussiae,
Masoviae, Samogitiae, Czernichovia,
Smolensciaeque; &c.

REGI ORTHODOXO,

Cum prima Imperii spatia feliciter
ingressus fuisset;

^A

CASIMIRO ŻAWADZKI,


Electoralis Campi Equite,

Exhibita.

Warsaviae Anno 1670.



G. R. BIBLIOTHECA
VNIV. IAGELL.
GRACOVENSIS



Generari & nasci à Principibus fortuitum, nec jam ultra apud Polonos aestimatur: Piautos non sine prosperis prodigijs & manifesto Numinis favore Sarmatarum Reipubl. contigisse. Unde mirus in illos Cæli favor & populorum inclinatio. Prodigijsa Epula, quod nunquam deficerent, Crussviciensem Piautum, tot Regum Imperatorumq; Patrem in solio Sarmatici Orbis constituerunt; Te Princeps Serenissime instillatus è Cælo in Civium pectora consensus Principem fecit. Nam cum deterrimi mortalium, inter publica malorum Reipubl. habiti instrumenta, consensu non tam unum aliquem foverent, quam alium; idque flagitiosissimo consilio ante destinatum, tum inter armatos & obnoxios difficilis speraretur concordia, millenis numerosorum Civium vocibus, velut uno ore electus es. Id quia impossibile factum erat, humani quoque miraculi ingenium modumq; videtur excessisse. Quare ut manifesto iudicio propitia Fata sine modo in te favores cumularunt, ita egregias Dominationis Artes præscripserunt: continuam Liberalitatem, & perennem insubditos, reciprocam nimirum Civium amori, Benevolentiam, Magna ille profecto nec spernenda Artes, quibus solis & parantur subditi, & in officio retinentur. Sileri proinde ingens Orbis Sarmatici miraculum, & sine modo in Polonam Gentem Numinis

*favores, Tuamq̄ ante omnia Fortunam, quæ grandem Electio-
nis Actum nobilitavit, ab effuso in amorem Tui subdito, non
decurit; tum non modo necessarium, sed & decorum Reipubl.
vulgare ingenue rerum Ordinem sequente calamo Electionis
Artes, sive Arcana fuerint, contra scriptores odio rerum aut
nimio favore imbutos: simulq̄ vindicare apud ambiguam Po-
steritatem, ne quid inde Electionis Libertati decedat, aut In-
nocentia Majestatis Tuae, & quam innocuus artibus Celoḡ gra-
ta ac digna Modestia, ad summa provecus sis trahatur.*

Varſaviæ 26. Aprilis Anno Domini 1670.

Sereniff. Majest. Vestræ.

Infimus & amantissimus subditus.

Casimirus Zawádzki Cap. Puc.

ACTA

ACTA DIURNA ELECTORALIS CAMPI.



Lectio DEO Auspice

præscriptum Confæderationis
generalis secuta Anno Domini 1669.
secunda Mensis Maji inchoata est ab
Ordinibus Regni. Marschalcus Eque-
stris Ordinis magno negotio vix ter-
tio Idus Maji electus est, acerrime
disidentibus inter se Lithvanis &
pluralitatem eligendi Directoris tur-
bantibus aut remorantibus. Causa inter eos disidii animorum,
Campiductoralis Clava à Joanne Casimiro Rege Michaeli Radzi-
willio collata Procancellario M. Ducatus Lithvaniæ contra co-
natum & vota Paceanæ Domus. Hinc impellentibus Partium
Ducibus continua in Equestri Rota partizantium certamina, &
notiora quam ut regi possent odia; hinc æmulante invidiam fastu,
superbi anteambulones, principales aulæ apparatus, numerosa
satellitia, florem robusti dixisses exercitus. Lubomircio Var-
ſaviam venienti obviam Senatorum & equitum turmæ, quæque
Palatino Cracoviensi pompam adstruebant, judicio Sobiescii su-
premi Ducis Reipublicæ exercituum 12 millium probè armato-
rum numerum excedebant, parem infesto cui vis prælio manum,
Adeo ea tempestate ambitus & in summâ Reipubl. paupertate
privatorum Civium inopia in pudendum luxum exarserat. Vin-
centibus nihilominus suffragiis, seu ita ordinantibus fatis Felix
Potocius Subdapifer Regni in Marschalcum electus est. Inte-
gra posthac septimana inter concertationes de Juramento à cæte-
ris equitibus præstando elapsa est, tandemq̄ tertio calendas Ma-
ji, quæ in diem Saturni inciderat, post redditam Senatoribus,
seu ut vulgò appellant, senioribus fratribus ab Equestri ordine ore

Directoris sui salutationem, reliqui Senatores & equites qui in Convocatione Regni Juramentum non fecerant præsterunt coram Deputatis ad id tam ex Senatorio ordine à Reverendissimo Archiepiscopo Gneznenfi quam & ex Equestri ordine à Mareschalco assignatis.

Quarto Calendas imago Augustissimæ Virginis, quæ ante portam Cathedralis templi Varfaviensis affixa erat flevisse perhibetur, sunt multi qui viderant.

Quinto calendas Equestris Ordo ivit cum Mareschalco, ut patrio ritu vocant Poloni, in Szopam, ad excipienda ab Illustris: Senatoribus Senatus consulta, in quorum redditione nihil singulare fuerat, præter literas, quæ à Magno Turcarum, Moscorum Cæsaribus, à Magno Tartarorum Chan, quatuor fere horarum spatio eorumq; Ministris legebantur. In ædificatione pro Senatu subitariae structuræ, ad arcenda cæli incommoda jam dictæ vulgari cognomine Szopæ ab urbe aut vicinis Varfaviæ ædibus quadrante ferè milliaris remotis, volitasse continuo per duas septimanas nivea Columba perhibetur, multorum qui aspexerant testimoniis, & dictæ structuræ mane & vesperi insedisse, nullosq; operariorum strepitu, clamore hominum, bombardarum sine noxa explosione à loco deterreri potuisse, donec opus perficeretur, abhinc amplius non comparuisse. Nec vana ea species placidæ alitis fuit, auspiciatum augurium subsecuta felix Electio, micem magis invenit Dominum, quam severum; nimirum Spiritus Sancti electio, per Amoris Suffragium & Clementiæ agitur.

Sexto calendas floridi Mensis Deputati magno motu ad generalia Regni judicia Capturalia, impredientibus ac miscentibus sese mutuo Lithvanis, ab Equestri Ordine quatuor ex singulis gentibus, nimirum Magna Minoriq; Polonia & M. Ducatu Lithvaniæ electi sunt. Deputati ad eadem judicia à Reverendissimo Archiepiscopo tres Senatores Castellani. Eadem die supremus Senator Castellanus Cracoviensis Varzicius, cum Castellano Varfaviensi in Szopo coram Archiepiscopo cæterisq; Senatoribus infestis

stis sese utrinq; verbis impetierunt, nec ferente Varzicio iram, scipione quem dextera tenebat Oborscio plagas intentasse, illum ad capulum frameæ manum retulisse, ac vix à Senatoribus cohibitos esse, quin in certamen erumperent. Intentatâ utrinq; actione in Generalibus Regni Iudiciis Capturalibus judicati sunt, finitaq; lis inter ipsos adverso Castellano Varfaviensi Decreto Magnâ controversiâ magnoq; animorum motu hæc Deputatio stererat, impredientibus plurimis, insistendo novissimæ Legi, Electionem Deputatorum per Palatinatus, cæteri, idq; plures, veteribus institutis standum, atq; ne autoritas Marschalci violaretur censebant, miroq; conatu perfecere. Quatuor de inde dies absumpti sunt otio aut nullo negotio: Censentibus aliis concedendam esse audientiam Oratoribus externorum Principum; aliis cum id ex præsentis Reipubl. usu & commoditate minimè videretur, cum hac ratione tractandarum exorbitantiarum tempus extrahi posset & earum medela in irritum revolvi: Aliis prolixè nitentibus, ut exorbitantiæ non per Deputatos sed in medio Equestris Rotæ tractarentur: utrumq; usu sterile fuit. Egregiâ voce in publicum, idem expressit Zarembo Judex Sendomiriensis, Electionem Principis non sublatis Exorbitantiis, auctoramentum servitutis appellans. Tum de Cassatione Casimiriani in Lubomirscium Decreti, de abusu Juris Majestatis à Sigismundo I. Stephano Bathoreo, Casimiro Abdicante, ac restrictione ejus prolixè disseruit, valuitq; vox ad consensum publicum, deputatiq; sunt undecimo calendas à Mareschalco Equestris bini ex Palatinatibus, singuli ex singulis districtibus, vulgò Terris nominatis.

Vigesima Octava Maji mistus Equestris Ordo Senatui, lectus à Marschalco Conceptus Cassationis in Lubomirscium lati Decreti, requisitus Reverendissimus Archiepiscopus, ut ex Senatu quoq; deputeret. Conquestus injuriam suam Zamoiski & rejectus. Mox Vexillifer Sendomir: Vir alioquin egregius & ipsa canitie conspicuus; sed nimio rerum studio, Libertati non profuturo, Reipubl; noxio, subitos motus & turbas excitans; quibus rumoribus, quomodo fatum suum, nec sine dedecore provo-

caverit.

caverit, in tempore memorabo) impetrata voce Condænanarum Partium studia reviviscere dixit, factionem maturefcere asseruit, cum tamen legibus Confæderationis ejus incapacitas ad Coronam & inhabilitas ad Electionem declarata fit. Tum Oborscius Castellanus Varfaviensis in contrarium nitens; Libertatem sibi nullâ lege ademptam esse dixit, nominandi quem voluerit ex Candidatis, ingenti animorum concitationi materiam subministravit. Subitoq; velut contagione universi correpti, furere, alii minari, multi ad capulum referre manum, omnes infestis clamoribus discessum Mareschalci urgebant, atq; ad consvetum suis consultationibus locum evocarunt. Tum acriter de executione in Oborscium extendenda detonarunt, alii censebant judicium in eum instituendum esse. Interim Vexillifer Sendomir: arrepta voce differuit: non jam rumores de Condænanis partibus valescere, sed ipsos Senatores palam & impudenter agnoscere & fateri Partium studium, Tum Nicolaus Penkoslavius produxit literas anonimas, sibi ministerio famuli sui amici titulo redditas. Studione boni publici ea epistola composita, an odio partium ad invidiam apud populum conciliandam conficta fuerit; in incerto est, quâ monebatur 25. Maji secreti Consilii apud Primatem Regni cum 12. Senatoribus habiti, eadem conciliabula apud supremum Regni Thesaurarium institui, hisq; fomentis Galliarum ambitionem ali, factionem valescere. Cosacorum Tartarorumq; Phalanges à Neoburgo Principe conductas, ad expedienda vota armari: Regem Sveciarum & Vasallum Reipubl. Ducem Prusiarum Regem elegisse; à Principibus ac plurimis Senatoribus Poloniae Principem in recessu conclavium secretò, insciâ nobilitate creatum esse. Deliberatum super ea re ab Equestri Ordine, missiq; Oratores, Nicolaus Penkoslavius, Alexander Krzycki Succamerarius Calisiensis, Joannes Pieniazek Capit: Osuiecimensis qui ex postularent ab Illustrissimis Senatoribus, verane essent quæ constanti fama vulgarentur? simulq; Oborscio panam legibus Confæderationis descriptam denuntiarent. Responsum à Reverendissimo Primate, vana esse quæ jactarentur, sibi conscientiam

Deumq;

Deumq; pro tuenda innocentia sufficere: Episcopus Cracoviensis, quantum ad anonimum scriptum, quod ad Pekoslaviium communicatione Castellani Leopoliensis pervenerat reddita sibi duo exemplaria respondit: unum à Castellano Leopoliensi Maximiliano Fredrone, in quo Electionem Piasli rationibus tuebatur, alterum memoria se non tenere à quo in manus suas irrepsisset; cumq; Castellani Leopoliensis restitutionem conceptus sui per famulum requisivisset, casu ambo exemplaria reddidisse. Verum id an falsum occultante ac præumbrante Episcopo pessimi facinoris Ministros, ex qualitate cujusq; ingenii & affectus integrum deliberationi relinquo. Huc tamen magis inclinat judicium, in excusationem facinoris, lubrici defectus excogitatum esse hocce commentum, cum incredibile sit, rem tam magni momenti levi aut ignoto ei auctore proditam, penitus memoriam effugisse. Verius crediderim id miraculosè summâ divinæ Majestatis gratia in publicum vulgatum esse, ulciscente supremo Vindice nefarium perjurii scelus; Castellanus Varfaviensis infelicitati suæ tribuendum esse, constanter asseruit, quod obrutus clamore, efferre quæ sentiret, non potuisset, se Condænam & Neoburgum in eadem classe incapacitatis ad Coronam Regni Poloniae demonstrare voluisse, & nunc se ingenuè Condæno hostem profiteri, & si quid deliquisset in Rempubl. deprecari. Hac declaratione accepta reversi ad Rotam Oratores, visi sunt lenivisse publicum odium & quies animorum tantisper reddita est.

Sequenti die ad instantiam Deputatorum ex Equestri rota ad Senatum assignati sunt à Reverendissimo Archiepiscopo 12. Senatores quaterni ex singulis gentibus, additis Regni Officialibus & sigilli Custodibus, spernente Equestri ordine priorem Deputationem, utpote antiquis institutis contrariam, quod omnes Palatini ad conciliandas Exorbitantias deputati fuissent. Solutaq; sessio ejus dici à Mareschalco, præfixo tempore tractandarum Exorbitantiarum in Arce Varfaviensi hora septima post Ortum Solis Conventionis vero ad Rotæ consilium hora secunda postmeridiana assignata est.

B

Pridie

Pridie Calendas Julii Deputati ad exorbitantias in Senatorio conclavi sessionem suam inchoarunt, negligente officium suam Regni Marschalco. Deputati ob defectum Scipionis vocum Dispensatoris, inter expectationem consumpto tempore nulloque concluso negotio dilapsi sunt. Melior fortuna quamvis inter dissonas sententias equestri Rotæ affuisse visa est. Conclusum enim est, ut Cameneii Podoliz, Brestensis fortaliti tum & Arcis Cracoviensis fortificationi & justo alendo præsidio sumptibus publicis prospiceretur.

Secundo nonas Junii tractatum in Arce à Deputatis ad Exorbitantias qua ratione in tanta temporis angustia compendiose expediri possent. Supeditatus modus ab Illustrissimo Procancelario, ut ab earum medela & tractatione inciperetur salubre totius Reipubl. negotium, quæ ad juramentum Principis eligendi directe pertinerent. Eadem die Consilium Prutenicum, juxta veteres Provinciæ mores Reverendissimo Episcopo Varmiensis Præsidi perpetuo Terrarum Prussiz coactum est, definitumque inter nos ut ex instructione ea tantum puncta in Catalogum transferrentur maximaque exorbitantiarum inconvenientia essent, quæ maxime statum Reipubl. & Provinciæ afficerent. Deputati ad hoc negotium expediendum Palatinus Pomeraniz, novem ex Equestri Ordine, inter quos me quoque fors, huic operi interesse voluit. Sero post meridiem confluentibus ad Rotam equitibus, Marschalco absentiam suam, causata adversa valetudine, per clientem excusavit, paucisque verbis dixit fore & id gratum acceptumque, quod Scipionem in signo Directoris, rantisper Capitaneo Spisfienfi committeret, qui consulto prius Equestri Ordine an suscipere deberet, postquam universorum voces accepisset, se libenter consentire in eum, recepto in manus Scipione ad sedem Marschalci perrexit, statimque petiit ab Equestri ordine, ut Nuntio summi Pontificis audientia preberi posset. Consultatum super ea re, & assensum, dandam esse audientiam Legato summi Pontificis ad Rempubl. à sede Apostolica destinato. Dilatumque tempus in horam secundam postmeridianam sequentis diei. Nil ea die actum

dictumque;

dictumque; in Rota, præter interpellationem Marschalci, ut ad invitandos Illustrissimos Senatores in medium sui, more antiquo mitteret; Deputati interim sex Internuntii, qui ad excipiendum irent Nuntium Apostolicum, tum Archiepiscopus Gnesnensis cum universo Senatu Rotam ingressus, confedereque Senatores, quisque in loco Palatinatus sui; sex Palatini, duo Episcopi ire in occursum jussi Legato Apostolico, armata satellitia Dominorum utrinque stetero pro vallo, expansis vexillis, concinentibus tubis sonantibusque tympanis speciem magni exercitus representabant; cum à Szopa ad Pomeria usque urbis armati starent, 58. vexilla erant quæ duodecem millia armatorum superasse traduntur. Centum viginti Rheda anteibant, Equitum nobilium, seu ut vulgo vocant Cavalcarum currum Legati ante equitantium ingens numerus, regalis magnificentiz pompam adstruebant.

Rotam ingresso universa Respubl. debitam exhibuit reverentiam, Archiepiscopus Gnesnensis à suo Curuli emensis duobus passibus amice salutatum inter se & Episcopum Cracoviensem loco cohonestavit, tum lectæ à summo Pontifice per Referendarium Regni spirituales ad Senatum literæ, reddita & Marschalco Equestri scripta ad Equestrem ordinem Epistola, quam Marschalco sedens in lecto capite ob reverentiam sedis Apostolicæ legit: contenta harum literarum nihil amplius in se habuerant, quam vota unionis animorum, ut Principem eligerent concordibus suffragiis orthodoxæ Religionis verum heredem, quod ut feliciter cedat orbi Christiano, Apostolicam se liberaliter conferre benedictionem. Expeditis literis orationem habuit ad Rempubl. responsum ab Illustrissimo Serenissimæ Reipubl. Primate, tandem & à Marschalco Latino idiomate breviter & succinctè. Finitis orationibus Legatus eadem via armatis undique septa in urbem hora ferme nona sole sub Horizontem properante reversus est.

Ipsis Nonis Junii ægrè Ordo & methodus tractandarum Exorbitantiarum inter Deputatos stetit. Ut in primis de illis tractaretur, quæ generalium status Reipubl. exorbitantiarum naturam & nomen haberent, quæque potissimum ad formandum Prin-

cipem conducerent. Tum demum succederent exorbitantiæ per Ordinem cuiusque Palatinatus. Lectusq; conceptus à Succamenario Posnaniensi, quo præcavebatur in posterum Abdicationi Regum Poloniæ, utq; id singulariter Juramento Principum insereretur. Hac occasione invitati Pruteni, postulabant ut punctum de Indigenatus Juribus servandis etiam juramento Regio infereretur; grandem in se Reipubl. commotionem concitarunt, subministrante materiam indignationi Regnicolarum & contentionibus Rota Juramenti, quæ præscripta est præfidiis Provinciæ Laudo publico, omisso & neglecto Reipubl. titulo (quod an servato in usum futuri consilio, arte magis & ingenio, quam debito more & innoxia simplicitate actum sit? in ambiguo erudita in felicitatem Reipubl. fata reliquere) solis Statibus Terrarum Prussiæ ad obligandum alligatis. In festis ea tempestate magnæ notæ Civibus non exæquo usui Indigenatus, cujus assequendi per gratiam fraternam modus, quibus naturæ beneficio non contigisset, in unius tum favore rerum Pruthenarum Potentis, constitutus esse videbatur.

Secundo Idus Junii Director Rotæ Equestris, cum nonnullis punctis in quæ consenserat Ordo Equestris Senatum ingressus est, paucis præfatis verbis, petiit, ut ea in quæ Rota Equestris consenserat, iudicio Senatus firmarentur. Tum demum recensuit, obnixè petere Equestrum ordinem, Exclusionem Condæi, ne inter Candidatos censeretur, Cameneccii Podoliæ, Luboviæ, Cracoviæ bellicam provisionem, Cæsaris Nuntio præbendam Audientiam cæteraq; puncta Equestri sibi præscripta consensu. Clamore interim universorum urgeri Illustrissimus Regni Primas, ut declarationem faceret exclusionis Condæi. Magna ea die rubori & confusione propriæ facies Senatus fuit, insignes per honestum & amorem Patriæ aut notabili dedecore, turpiq; perjurio sententiæ fuere. Reverendissimus Archiepiscopus respondit, si postularetur, ut Senatus universi nomine sententiam proferret, præstare id se non posse asseveravit, nisi consulto prius Senatu: si ut à privato vox exigeretur, se libenter paratum esse in eum consen-

tire,

tire, qui publica omnium concordia electus in Principem fuerit. Tum obrutus omnium vocibus quod non satisfaceret desiderio publico ejusmodi declaratione: Secuti Archiepiscopus Episcopus Varmiensis, Palatinus Kijoviæ Potocius, Palatinus Culmensis Gninscius, Palatinus Pomeraniæ Bakovius, Marefchalcus Regni, Sobiescius, qui indignationi proprior, quam æquanimitati, inter iram doloremq; medius: Se quidem, asfueviffe publico cedere consensui, sed si ad cæteros excludendos Candidatos, ab Equestri Rota pari ferocitate urgeretur, se libenter à Senatu absentaturum, & munita officii sui malle relinquere, quam eam pati servitutum, ut quæ juberetur, exequi cogeretur. Cancellarius M. Ducatus Lithvaniæ Pac, proplexo sensu, vacillante oratione exclusionem innuit, cæteros imitatus, qui nec Reipubl. satisfacerunt, nec suam conscientiam satis tutati sunt. At optimi Senatorum, inter quos Princeps Czartoriensis Episcopus Cujaviensis, insignis voce & amore Patriæ, divinam dixit esse voluntatem & singularem DEI vocationem: ut Princeps Condæus excluderetur, cum hoc negotium non solum tanto ardore bonorum Civium, sed etiam mira concordia urgeatur. Omnium uniformibus sententiis incapacitatis ad Regnum Poloniæ damnatus est. Accidit inter Senatorum vota, ut ex impatientia sive commiseratione ruentis jam Condæi consurgerent Custodes ejus fortunæ, qui ad Archiepiscopum progressi, quærebant consilio occasione locum, quomodo Senatorum sententiæ differri in sequentem diem aut disturbari possent, sed ingenti clamore erumpentibus inter crebras voces contumeliis, continuisq; acclamationibus ad suas sedes compulsi sunt. Tum reddita Senatoribus dicendi quies, finitisq; sententiis, impetrata voce Dembicius Vexillifer Sandomiriensis, reductam in Civium pectora fraternam confidentiam congratulatus Reipubl. à Reverendissimo Primate petiit, ut reali declaratione Exclusionis Condæi, populorum desideriis satisfaceret. Qui arrepta voce inter pudorem & indignationem anxius, plus se, quam peteretur dixisse & Reipubl. donasse, quod se nobili cuiq; consueto & jure debito privaret suffragio, dum illud ad ul-

B 3

lius

lius ex candidatis Electionem proferre nollet, nisi in quem universa Respubl. constanti concordia consensisset. Ea quoque oratione quamvis flagrante popularitate & in speciem favorabili, non est visus Civium animis satisfacisse, rursusque à Carvicio Subjudice Novæ Civitatis exagitatus, tandem nihil ad illata respondens, à Piafeczincio Capitano Braclaviensi interpellatus est: ut misereretur populorum turbæ, illius solummodo declarationem præstolantium, cum tot Episcopus dignitate & sanctitate pareddignum esset, si non præire exemplo, saltem imitari. Tum urgentibus omnium acclamationibus flexus, quasi vicissitudinem rerum humanarum irrideret, serenâ facie inter strepitus vocum clarâ voce pronuntiavit: & ego jam excludo; vitato nomine Condæi, cujus cum studium relinquere coactus fuisset, charitatem tam subito nondum deponere potuerat. Condæanarum partium & potentem & secretò firmatam consiliorum factionem, dispositione factorum & urgentibus causis secundis concidisse. An hos per superbiam in levi posuisse Equestris Ordinis curam, quorum extenuata factionibus evilerat authoritas: unde nec in Rota Equestri impedivisse exclusionis Condæanæ consensum, nec Mareschalcum sollicitasse ut hanc materiam transmitteret, difficultaret, aut saltem postremo loco inter cætera puncta locaret, quo Senatoribus honestus prætextus hujus transmittendæ, de aliis materiis dicendi facultas fieret. An falso fiducia ingenii sui eò ductos, ut quoscunque modos & rationes contra se initos, nullo rei suæ discrimine eludere possent: an nimium propriis viribus & externæ potentia creduli, nunquam tam facile id eventurum crederent, quod evenit.

Atque deinde de Legaro invictissimi Christianorum Cæsaris excipiendo, commissaque Deputatio Senatorum ad excipiendum Legatum Reverendissimo Primati, qui conquestus in eum, quod jam monitus ex consilio Senatus, alias ad Rempubl. literas à Cæsare non procurasset, in quibus titulus Serenissimæ Reipubl. præscriberetur, cum tam vilibus titulis tantæ Reipubl. Majestas dehonestaretur: addiditque consilium, ut literæ ab eo à Reipubl. non

accipe-

acciperentur, sed oretenus mandata ad Rempubl. Principis sui proferret, ac in posterum curaret, ut à Cæsarea Majestate, convenientes Reipubl. Polonæ tituli darentur ac literis præscriberentur, destinataque in sequentem diem ejus exceptio.

Tertio itaque idus Junii honorificentissime à Reipubl. exceptus est, magni exercitus faciem representantibus Magnatum Poloniæ copiis cum fere 88. vexillis via ornata esset ad Rotam venientibus. Senatores more consueti in Rota Equestri confedere, Legatus Cæsareæ Majestatis introductus, tam per Equestris quam & Senatorii Ordinis sæculares tantummodo Deputatos exhibitæ Reipubl. reverentia, intermedius Regni Mareschalco & Equestris Rotæ Directori confedit. Literas à Cæsarea Majestate ad Rempubl. non dedit, admonitus ab Illustrissimo Primato, non fore Reipubl. gratas, quod in literarum inscriptione, debita non cohonestata esset Respubl. honoris prærogativa; Pauca præfatus verba, instructionem legit, non denegato Serenissimæ Reipubl. Reverendissimis, Excellentissimis, Illustrissimis, Senatoribus titulo. Vota ad Rempubl. Poloniam Cæsaris erant pro concordia eligendi Regis, amicitia cum Austriaca domo semper communis Regno Poloniæ Reipubl. recommendatio: Postremò instantia pro Philippo Wilhelmo Palatino Rheno Principe Neoburgico ad Rempubl. laudes ejus à constantia fidei orthodoxæ, maturitate ætatis, pari vigore corporis & mentis regimine afferebantur. Responsum à Reverendissimo Archiepiscopo: Excellentissime Domine Extraordinarie Legate à Sacra Cæsarea Majestate &c. tum & à Mareschalco Equestris Ordinis stylo Laconico: Finita Legatione, eadem via armatis strepente hora decima post occasum solis in urbem reversus est.

Quarto Idus Junii destinata dies Audientia Legato Regis Gallia, ob adversam ejus valetudinem, ut Residens ejus Oborscius Capitaneus Livenis vulgavit in Rota Equestri, seu confectus marore erat, sive ut indignationem Reipubl. ostentaret: an urgente Pentecostis solennitate, festivo die grandiori pompa, confluentibus undique pro actu suffragiorum, Magnatum copiis ad Ro-

cam

tam Equeſtrem velut in triumphum duceretur, irrita fuit. Totumq; fere tempus ejus diei in objectionibus loci ſtandi mutuiſq; concertationibus conſumptum fuiſſet, nullo effectu: Niſi Zarem-
ba Jdex Sandomiriensis multa egregiè locutus, moderationem affectibus ſinemq; conſiliis attuliſſet. Antiquo Majorum uſu & prudentiâ receptum dictitans, ut quoties ejuſmodi materiæ Reipubl. conſiderabilia exaſperarent negotia, per Deputatos ex Rota & Mareſchalcum excuſſo proceſſu an obſervatis omnibus juris gradibus ac terminis condemnatio ſtetiſſet, validitas ejus arcendi à loco ſtandi definita per Mareſchalcum declararetur. Si infamia aut Banitio perpetua alicui ex Generalibus judiciis Regni Capturabilibus aut Palatinatum Particularibus obveniſſet non aliter locum ſtandi aut ſuffragium eligendi Regis recuperare poterat, niſi per treugas Decretum in iisdem judiciis ſuſpenſionis cauſæ ad judicia Regni Tribunalitia procuraiſſet. Nam ſub tempus interregnorum condemnationes in contumaciam obtentas à loco ſtandi minimè arcere; ſi ex perſonali decretæ fuerint, ſemper & ubiq; valere. Poſtremò addidit, ut feſti dies Lunæ & Martis audientiis Legatorum deſtinarentur in eamq; itum ſententi-
am, ad vitandam Reipubl. negotiorum conſuſionem, ob conflu-
entes jam undiq; communis motus copias & Generalem Eque-
ſtris Ordinis confluxum, qui moræ impatiens, ordinem tractan-
dorum Reipubl. negotiorum turbaturus præſumebatur, ita tamen expediendas cenſuit Legationes, ne publicorum conſiliorum tractarentur materiæ quominus quidquam Chriſtianæ pietati derogaretur.

Dies quo linguis igneis in Apoſtolorum peſtora illapſus Pa-
raclætuſ mortalium pietate celebratur, in Chriſtiana tranſactus devotione; nox celebri urbis Varſaviæ incendio clara fuit, tertia
ferè parte urbis incendio abſumpta aut à prædonibus direpta. Ni-
hil in eo miſerabili urbis caſu omiſſum ſcelerum: urbs velut bel-
li impetu capta, furore latronum diripiebatur; tota urbe prælia
& acies defendentium aut invadentium alienas fortunas; admotæ
pluribus in locis à nefariis ardentes faces domibus, ut cuncta
præda

præda & incendio abſumerentur: Spectantibus tam atrociam fa-
cinorâ præcipuis Magnatum, nec prohibentibus, quaſi Trojæ fa-
villas aut Romæ incendium cum impio Nerone illuderent specta-
rentue, donec ſævitia flammæ, Platea piſtorum & à Cereviſia ap-
pellata, probè muratæ & inſtructæ ædes variis dominorum Equi-
tumq; ſplendoribus, penitus conſumptæ, corruerent. Crebra ea
tempeſtate incendia præcipuas Regni urbes afflixere. Gedani
quarta Junii, quæ in diem Martis inciderat, atrox incendium,
à condita urbe nunquam accidiſſe compertum, à Dominicanorum
ædibus erumpens, per diei noctiſq; ſpatium continuo urbem
vaſtavit, juvante Septemtrione, verſus veterem Civitatem, donec
abſumptis ſexaginta palatiis totidemq; muratis ædibus, lata pla-
tææ vacuo ſpatio & Raduni fluvii aquis cohiberetur. Non con-
fecto ante multis diebus tempore, Cameneii Turris Portaq; Ar-
cis icſtu fulminis diſiecta eſt. Arſerat & Cracovia, prandiumq;
à Præfecto urbis Caſimiro Regi Sueciæ inſtructum, velumq; Var-
ſaviæ atq; Ciborium, cæteraq; prodigia, manifeſta potius ira Nu-
minis in rem Polonam, quam amore paternæ admonitionis, poſt
continuata ſcelera evenere,

Sexto Idus Junii deſtinatum tempus Audientiæ Legato Galli-
arum irritum fuit: reſpondente Legato, ſe jam amplius nullis in-
digere Reipubl. Polonæ favoribus; ſequenti die ſperabatur Le-
gatio Legati Suetiæ; ſed cum literis ad Reverendiſſimum Regni
Procancellarium datis ſcripſiſſet, ſeſe nulli in Orbe Principum lo-
co in expedienda Legatione ceſſurum fuiſſe, quod ad præſens in-
termitteret, nondum ſe omnia requiſita à ſuo Clementiſſimo Re-
ge habere cauſavit atq; excuſavit. Datumq; ſpatium audientiæ
Principis Brandenburgici Legato Overbecio, qui ſerò nimis die
veniens, nec tam frequentibus ſatellitum turmis, nec tam copio-
ſo Senatu & Equeſtri ordine, pluribus jam dilapſis exceptus eſt.
Commendato Reipubl. favoribus Duce Neoburgico Comite Pa-
latino Rheni tranſacta legatione diſceſſit.

Septimo Idus Junii, Inſignis pluribus externorum Princi-
pum legationibus dies propter maturiorem ad Rotam conventum

C

omne

omne tractandarum exorbitantium extraxit tempus. Quatuor enim Legati continuo perorarunt, magnificentiâ promissorum, spetioso amicitiae ambitu, insigni Reipubl. reverentia Majestatem augentes & decorantes. Ae imprimis Neoburgi Principis Legatus solito exceptus decore, literas per Referendarium Regni (ut moris est) ad Rempubl. dedit, convenientissimo Reipubl. præscripto titulo, tum & Reverendissimo Primati. Deinde Oratione habita Principem suum Reipubl. jam votis omnium Christianorum Principum commendatum & judicio Vladislai IV. Regis Poloniae Polonis notum & insignem, recommendavit: magnificis promissis favorem concilians, nisi fidem promissorum nimia magnitudo corrumperet. Accepto Responsò à Reverendissimo Primati & Mareschalco Equestris Ordinis, vacuæ Rotæ pomarium pedibus emensus, Archiepiscopum ac Illustrissimum Senatam salutavit, tum & ab Archiepiscopo vix quatuor passus à sedili progresso resalutatus, ad Rhedam reductus est in Urbem reversurus. Interim dum Lotharingiæ Principis Legatio expectatur: permisum Legatis Ducis Curlandiæ & Semigalliæ Legationis suæ negotium expedire. Sedes eis locusq; Legationis expediendæ assignatus non inter Mareschalcos, ut aliis externorum Principum Legatis, sed in latere dextro, Palatinatum Prussiae is locus erat. Qui supplicibus datis ad Rempubl. literis, Puckamer in oratione sua nonnullas injurias conquestus est, fidemq; promissorum Principi suo exolvi à Reipubl. petiit. Responsum ab Illustrissimo Primati: Generosi Domini Legati Ducis &c. Curaturam Rempubl. expeditis negotiis magis Reipubl. afficientibus ut & justissimis desideriis Illustrissimi Ducis satisfiat. Subiit faciem Reipubl. & Legatus M. Tartarorum Chan, cui à latere dextro prostratum erat tapete in terra ut eorum est gentilis consuetudinis. Verum ille absentiam Regis causatus, sellam petiit. Datum est illi sedile tapeti contestum; tum barbarus ingressus Rotam, versato in hanc & illam partem inepto corpore, ad Mareschalcum Regni facie, posteriori parte versus Senatam confedit. Donec ab interprete admonitus aliter confidere jussus est. Tum per interpretem

Remp.

Rempubl. à Principe suo amicè salutavit. Paetorum Podhaje-
censium & amicitiae cum Reipubl. perennitatem Principem suum
animatus vovere illamq; à Reipubl. expetere. Tum Illustrissimus
Archiepiscopus per Interpretem quæri jussit ex eo quomodo Illu-
strissimus Chan Soltan Galga & Nuradin Sultan valeret: respon-
dit: Optime illos valere. Tum demum punctatim Legato Tar-
tarorum ad reliqua per interpretem dicere præcepit. Cupere
Rempubl. pridemq; vovisse sibi cum M. Tartarorum Chan & uni-
versa eorum gente (illi hoc vocabulo Krym vocant) amicitiae pe-
rennitatem utq; ab ipsis constanter servetur obnixè rogare & ad-
hortari. Tum surgens è sella tecto capite, velut stipes, ducente
eum interprete, ad Archiepiscopum progressus literas à Principe
suò reddidit, rursusq; ad Mareschalcum Rotæ Equestris deductus
redditis literis in sella confedit, pluraq; se mandata habere ad
Rempubl. declaravit: Responsum est illi à Reverendissimo Ar-
chiepiscopo & Mareschalco, concessuram illi tempus Rempubl.
expediendæ Legationis cum voluerit, modo prius interpretis ope-
râ commentæ literæ à Reipubl. legi possint. Jam Legati Lotha-
ringiæ Principis subierant faciem Electoralis Campi, cum ne quid
temporis inter otium abiret, invitatus est Referendarius Regni
Spiritualis ad legendas literas ad Rempubl. à Magno Rege Bri-
tanniæ scriptas; officiosæ erant & ad eligendum Principem Neo-
burgum invitabant. Inter ceteros titulos suos Rex Angliæ in-
scripserat & illum Epistolæ; Fidei defensor; quasi fides sine ope-
ribus; ambitio sine vera gloria, constare posset. Vix plene le-
ctis literis, aderant Legati Principis Lotharingiæ: illis obviam
egressi Mareschalci humaniter salutato in Rotam Equestrem in-
troduxerunt mediaq; inter se subsellia concesserunt. Nondum
Legationis exordium erat & jam favor Cæli aderat. Molestum
imbribus aut fædum nubibus Cælum in eam subito serenitatem
effulsit, ut non sine omine propitii Numinis palam deprehende-
retur. Coarctata repente Rota motis in dextro latere sedibus
coalituræ in unum Reipublicæ signum: Literæ ad Senatam per
Referendarium Regni Spiritualem lectæ; ad Equestrem Ordi-

nem per Mareſchalcum Rotæ, plenæ humanitatis & obſervantiæ totius Reipul. Id tamen Archiepiſcopo diſplicere viſum eſt, quòd in tituli præſcriptione nulla ſui mentio, ut a cæteris, facta eſſet, ac velut per injuriam dignitas ejus imminueretur. Expectatis literis illuſtri ſacundia Demoſthenem aut Tullium ore ferens inſigniter pro Principe ſuo Abbas ſatagebat: Nihil omiſſum ab eo in ea oratione quod aut dignitati Sereniſſimæ Domus Principis ſui non derogaret, aut inclitæ Reipul. Polonæ honori non tribueretur, aut ad plebis conciliandum favorem valeret. In promiſſis nihil modicum aut nimium, quod aut ſperni tanquam vile donum à Repul. poſſet, aut fidem fallere, ob præſtandi incapacitatem. Vario motu animorum ea accepta Legatio, pluſq; valuit in peſtoribus Nobilitatis ad favorem una Lotharingiæ Principis Oratio, quam immenſa Neoburgici Principis promiſſa. Datum reſponſum à Reverendiſſimo Archiepiſcopo Illuſtriſſimo Legato Sereniſſimi Principis Lotharingiæ &c. Polonos Regem electuros quem iſtis fata Cælumq; deſtinaverint. Expedito reſponſo Mareſchalci Equeſtris ordinis; conſurrexerunt ſedibus ſuis Legati Lotharingiæ Principis, ſalutatoq; comiter Primate ac univerſo Senatu, multiſq; Illuſtrium Equitum, in urbem magno applauſu ac ſpecioſo ante equitantium turmarum comitatu, ſequentium cohortium ſatellitio reveſti ſunt.

Decima Tertiâ Junii intermiſſum opus exorbitantiarum, ceſſatum ab omnibus conſiliis cum omnia in tumultum evaleſcerent, terrore cuncta velut in capta ab hoſtibus urbe replerentur, pleriq; ſupelleſtiles ſuas & quidquid pretioſi ad manum erat, in templa, muratas fornices, aut locorum abdita recondentibus, confluentibus undiq; copiis Equeſtribus expeditione bellicâ evocata Nobilitatis; in Rota non alias ſpectata toto tempore Comitiorum ingens multitudo: pro vallo Rotæ, Cracoviensis & Sandomiriensis Palatinatus ſpectata ſigna. In Rota diſſonæ voces perorantium aut vociferantium, nullum diſcrimen, minæ aut ſeditioni proximæ voces audiebantur. Expediti nihilominus Legati à Mareſchalco Rotæ ad Senatum, qui invitarent Ar-

chiepi-

chiepiſcopum cum Senatu, ut ad illos deſcendere dignarentur, eorumq; conſenſum ſuper prolongatione exquirerent; cum ultima dies inſtaret Comitiorum. Convocatis ad ſuam ſedem Senatoribus ac dimiſſis, Reſponſum ab Illuſtriſſimo Primate, conſentire Senatui ſuper prolongatione & ſe libenter iturum ad Rotam ſi ita cæteris Senatoribus videretur. Cum hac declaratione abiit unus Legatorum ad Rotam, cæteri manſerunt in Senatu ſedentes donec collega reverteretur; qui reverſus, exhibita Senatui reverentia, gratiſſimè ſuſceptam retulit declarationem, ab Equeſtri Ordine Illuſtriſſimi Senatus: Sed cum non ſolum ſuper prolongatione, verum etiam de modo ac de termino prolongationis Equeſtris Ordo cum Senatu inire conſilium velit, obnixè eorum rogare præſentiam quorum autoritate fulciretur. Tum ſubito conſurrexerunt Senatores Rotamq; ingreſſi ſunt. Actum de prolongatione per declarationes Palatinatum, concedentibus aliis per diem Veneris & Saturni, aliis etiam per dies Lunæ & Martis, nec ultra aſſeverantibus paſſi poſſe prolongationem.

Finitis declarationibus, Dapifer Regni manifeſtavit ſe non concedere, ut Exorbitantiæ per Deputatos in Arce Regali tractarentur, voluiſſe Fratres ſuos quorum nunc declarationem faceret, ut in Rota expedirentur: nec officere conſenſum publicum ut in Arce tractarentur, cum ceſſante complexione Comitiorum, & tranſactio jam eorum tempore; ut prolongationem pro libitu, ita media quoq; tractandorum negotiorum concedi. Tandem multorū conſenſui cedens id quoq; ſe donare publicæ concordie protulit, dum modo Magnifici Deputati eadem die, conſultorum in Arce Equeſtri Ordini redderent rationem. Tum Illuſtriſſimus Primas, excuſata mora Legati Regis Sueciæ, ob defectum ſplendoris nondum ſibi ſuppeditati à Sereniſſimo Rege Sueciæ, ut condignè comparere poſſet in facie Reip. tempus ei ad expediendam Legationem assignari petiit in diem Solis poſt meridiem, ac ceptoq; conſenſu ſeſſionem Rotæ. Poſterâ die tractabantur in Arce Exorbitantiæ, ſed adventu Piaſzecziſcii; qui Deputatos ad Rotam à Mareſchalco invita-

C 3

bat.

bat, sic volente Equeſtri Ordine, ſoluta ex tunc à Deputatis Sefſio eſt. In Rota objectionibus loci ſtandi, lectione ſupplieum libellorum tempus extrahebatur, cum ob defectum præſentiæ Senatorum nihil in gravioribus negotiis concludi poſſet. Archiepiſcopus per delegatum ſuum abſentiam ſuam excuſavit ob gravem ſibi valetudinem. Locus interim Internuntiis Terrarum Pruffiæ, quem continuo à Mareſchalco exigebant, inter Palatinatus Plocenſ. & Lancicienſ. assignatus eſt, cum veteri ſede à Sandomiriensis Nobilitatis multitudine pridie loco moti eſſent. Interventu Procancellarii Regni cæterorumq; Senatorum gravioreſ quoq; materiæ agitari cæperunt. Tum requiſitus Succamerarius Calisienſis, ut conceptus trutinatarum Exorbitantiarum legeret, multaq; puncta aſſenſu publico comprobata ſunt; reliquorum lectio in ſequentem diem deſtinata, ſeſſioq; ejus diei ſoluta eſt à Mareſchalco Equeſtri. Exorbitantiarum moderationem aliis per Deputatos permittentibus, aliis improbantibus.

Sequenti die actum in Arce de Exorbitantiis, tractatisq; nonnullis materiis & probè expenſis diſcenſum ad Rotam Equeſtrem, ubi in præſentia Senatorum ad occaſum ferè ſolis ſummo motu tractatæ præſidii Kamenecenſis aliarumq; arcium in conſinio Reipub. exiſtentium fortificationis earumq; ſecuritatſ rationes. Sub occaſum vergente jam Sole conceptus Exorbitantiarum, requirente Senatu, lectus eſt à Succamerario Calisienſi, nonnullas materiis approbantium aut improbantium vario ſenſu, finita ejus diei & ſoluta per Procancellarium M. D. Lith. ut moris Patrii eſt, Sefſio; nam ubi Senatum miſceri Equeſtri Ordini venerit, uti omne regimen ac poteſtas in Illuſtriſſimum Primatem, directio vocum à Mareſchalco Regni vel Sigilli cuſtodibus utriuſq; Ordinis diſpenſatur. Declaratio nihilominus Nobilitatis Palatinatus Cracoviensis ſolutionem ſeſſionis prævenit, quæ ſeriò poſtulabant ut præmonerentur Illuſtriſſimi Senatores à Mareſchalco Regni, qui Patriſ familias officium in Reipub. haberet, ut omnes die Lunæ præſentes intereſſe vellent conſiliis; cum id

non

non ex dignitate Equeſtris ſit Ordinis, quòd tam pauci Senatorum eorum adeſſent conſeſſui cum de ſummis Reip. tractetur negotiis. Die Dominico orto iam Hefphero Legatus Regis Suetiæ aliorum more exceptus eſt, redditis literis commendato brevi ac levi Suada Comite Palatino Rheni, acceptoq; à Reverendiſſimo Archiepiſcopo Rotæq; Mareſchalco reſponſo, in urbem maturo jam veſpere revectus eſt.

Eadem nocte Reverendiſſimus Archiepiſcopus ex reſidentia, Stawki dicta, tranſtulit ſe cum omni ſupellectile in arcem. Cum ortu ſolis percrebuit fugæ fama, omniſq; Civitas ac populus terrorem induit, armata Reipub. bello quondam hoſtili vix uſurpatæ, tum per munimenta urbis diſpoſitæ ſtetere exubiæ. Conſilium manè in Rota inchoatum eſt & ob paucitatem Senatorum ad horam ſecundam poſtmeridianam limitatum, ſtantibus in circuitu valli inſtructiſſimis Equitum cæteris Numerofiſ jam in Rota Senatoribus ac fere univerſis præſentibus præter Archiepiſcopum, uſere nonnulli, quibus cura protrahendorum comitiſ & eludendorum Equeſtris militiæ armorum conatus fuerat, ut juxta leges Conſœderationis, reliquæ exorbitantiæ, quæ ad formandum Principem pertinerent, communi conſilio expedirentur. Ea vox ſpeta à populo & rejecta, aſſerente, vilia hæc & minimè proficua Reipubl. eſſe conſilia, quorum jam tempus effugerat. Ergo verſi ad rumores, quibus tum maxime publica miſcebantur negotia, requiſivere literas ad Procancellarium Regni à Principe Neoburgico ſcriptas. E contra impatientia partis aut pari arte contendentibus, vulgata fama de literis à Principe Lotharingo ad quendam Senatorem ſcriptis. Deputati tres ex Equeſtri Ordine ad Archiepiſcopum, qui eas expoſtulerent nomine Reipubl. Interim Succamerario Lancicienſi ab Illuſtriſſimo Procancellario reddita Epistoſa Neoburgi Principis, lectaq; ab eodem ſonorâ voce; redière & nuntii ad Archiepiſcopum miſſi ac Epistoſam Lotharingi Principis Mareſchalco Rotæ attulerunt; ille, moto aliquantiſper in medium Rotæ ſubſellio ſuo, legere intendebat, cum ſummis acclamationibus obrutus, pro-

hibenti.

hibentibus aliis lectionem, aliis minis deterrentibus, desistere ab incepto coactus fuit. Illo grandi clamore excita quæ pro vallo stabant Cohortes, velut grando turbine raptus, insilire vallo, signaq; propè ipsis illata munimentis: explosa aliquot bombardæ. Impatiens talium Princeps Czartorienfis, Reverendissimus Episcopus Kuiavienfis, impetrata à Marschalco Regni voce (nam ambo tum ordini libertatis vocum præsidebant) arguebat confusionem consiliorum, improbabat modum sub armis consulendi, increpabat temeritatem per exonerationes bombardarum publicam securitatem violantium, requirebat auctoritatem à Marschalco Regni, utpote patrefamilias Aëuum publicorum ac totius Reip, ejusmodi confusionem coercendi. Progressus ille ad Portam Magnæ Poloniæ, admonebat adstantes cohortes modestiæ, à quibus infestis vocibus exceptus, quòdque interminas ad capulum retulisset manum, parum absuit quin sclopo peteretur; erumpentibus palam atrocibus indiciis magnæ confusionis, regressus est. Hæc & his non procul aliena loquente adhuc Episcopo; quidam è Palatinatu Ravenfi alta voce dicere non erubuit: in vos sacerdotes hæc arma perari & explodi. Altum hæc voce Episcopo impositum silentium; ille omnium obrutus clamoribus, aliis increpantibus nefariam vocem, requirentibus aliis personam; ut tam impio ausu violata boni Civis auctoritas Reip. iudicio vindicari posset; repente vulgata fama inquiri in Civem pro libera voce. Velut de summa libertatis ageretur, accensus ira miles strictioribus vallo incubuit Ordinibus, & ut terrore quoque implet animos, exoneratis in uno puncto temporis aliquot millibus sclopetorum, ingenti fragore detonavit. Miles cohortium, quæ portarum aditus seperant exemplo aliarum ductus, paria ausus est, explosaq; in circuitum valli sclopetasufurrantibus per Rotæ spatia stridentibusq; globis tanto fragore & terrore, ut Senatus selectusq; Eques, sedibus suis prumperet: multi suspensis cervicibus ad terram corpora velut coturnices reclinarent, plures metu anxii hac illuc discurrerent nonnulli gravius periculum suspicantes ac verentes, ad portam ruerent,

ruerent. Episcopus Plocensis, Gembiccius, Palatinus Lancienfis Leszczynscius, Palatinus Inowroctaviensis Zegocius, Castellanus Posnaniensis Grymatrovius, Castellanus Brzezinensis Skrzynscyus dum ad portas ruunt, vario dedecore & turpibus excepti contumeliis, brevioribus sclopetis in pectora eorum directis, cum summa ignominia rejecti sunt. Bini in vallo occisi, tertius per manum globo trajectus sine periculo vitæ. Extra munimenta idem casus temeritatis aliquot involvit homines. Merito ea tempestate obsessum dixisses Senatam, ac universam Rempublicam viribus suis manibusq; concidere potuisse, nisi atrox periculum & proximum jam exitium fortuna Reipubl. à civium cervicibus avertisset. Hortantibus Marschalcois, multisq; suadentibus civium, agrè Senatus compositus est, suisq; sedibus rediti universi. Marschalco Equestris Ordinis invitante ad Rotam de mane in sequentem diem, infausta sessio soluta est. Quinq; tantum sententiæ, consumptâ notabili parte temporis, idq; inter horribilem strepitum vix expediri potuerunt. Illuxerat dies decima octava Junii cum indictum à Reverendissimo Primate consilium in Arce, ad quod universus Senatus invitabatur. Propositum à Reverendissimo Archiepiscopo, tristi præmissa querela super atroci periculo Senatus, quomodo securitati publicæ provideri posset, & an esset modus coercendæ nobilitatis? ut quieta Reipub. pateretur consilia: simul retulit: suafu suo supremum Marschalcum Regni misisse ad singulos Palatinatus Nuntios suos cum literis super eo negotio, sed statim responsum à nonnullis adstantium, nobilitatem accipere literas à Marschalco Regni noluisse: quippe non egere alieno consilio monituve, ubi de auctoritate & salute Reipubl. ageretur: amplexuros se nihilominus libenter modum progressus Palatinatus Sandomiriensis, ut Reip. consiliis, quò quietius expediri possent, per Deputatos solum è medio sui interessent. Postremò è re id Reipubl. esse jure iurando asseruit, ut modus aliquis aut ordo eligendorum Principum in futurum posteritati præscriberetur: fuisse jam olim dicentis id consilium in majorum nostrorum pectoribus. Plures eam vocem secutæ sententiæ, seditioni quam consilio propiores. Putabant

Putabant ea tempestate secretioris sapientiae viri deesse consilium Senatui, nisi egregia Castellani Leopoliensis & Illustri. / Episcopi Cujaviensis voce restaurata opinio, consultum publicae famae fuisset. Praemisso enim dolore praesentium, non iam difficili positam esse rationem sedandi motus, & fortiter se praesumere acturos poenitentiam Fratres ubi adverterint, quantum inconsultata temeritate in se ipsos injurii, Republicam offendissent. At eligendi Regis negotium supremam Reipublicae difficultatem, hic saltum, hic nodum Gordium esse, utinam maturo consilio, non gladio rescindendum. Porro in tanta animorum diffidentia & accensis nimio studio partibus, desperare se profus de prospero Electionis sine: nisi extraordinario modo eligendi Principem Reipublicae integritati consulatur. Praemisso scilicet jejuniis & celebri cultu Divinae Majestatis per omnes aras Templaque; ut numen caeleste supplicibus deprecationibus tandem Patriae nostrae placaretur. Posterea die scriberentur nomina duorum Candidatorum per duas schedulas, eaque; sacro calici inferretur, quarum alterutra à Triennali puero eximeretur; prolata cujus nomen praeferebat ille Electore Deo, Iudice Fato Rex Polonis regnaret. Hac ratione omnes factiones, ambitus, fraudulentas inter se concertationes, odia demum & invidiam vitari externorum Principum, Huic consilio qui contradiceret, hunc impietatem deserere nolle, factiosum & jam hostem Reipub. esse, perduellionem palam & manifeste profiteri. Idem se sentire Reverendissimus Episcopus declaravit egregia moderatione decorem afferens suae sententiae, consilio publico utilitatem: Immerito Polonos immori Candidatorum suorum amori, & illorum causa civilia ad dissidia, enses, sanguinem necesse; ruere, cum necdum electi nobis Protectionem, neque; nos illis ut jam nostris Dominis obedientiam praestare teneamur. Se illi iudicio integre mentis potius insistere, nec quidquam in proferendo erubescere, indignum esse proprio Polonos sanguine externa potentiae parentare, fatius esse amborum Candidatorum spectare funera & extingui cum corporibus ambitum, quam unius civium videre mortem & sanguinem, Rursum illacrimante de-

despectui

despectui suo Palatino Lanciensi Leszczynio ad querelas & dolorem Senatores revoluebantur, cum oportuna declaratione Vexilliferi Sendomiriensis, eorum moerori succursum est: Ponere jam facti fratres & ut poenitentiam testificarentur, usuros modestia esse, neque; interfuturos Reipub. consiliis univervos, nisi per Deputatos. Tum Illustrissimus Primas obnixè rogabat Senatores ut eorum quisque; suis fratribus persuaderet ne armati venientes ad Rotam, reliquum tempus consulendi de bono publico, omnemque; Reipub. eriperent securitatem. Isque; finis tam operosi consilii fuit. Interjecto modico tempore, Mareschalco Equestri praesente exemplo, pauci numero, nam vix trecenti, confluerant ad Rotam Equites, nondum recollectis ex hesternò terrore animis, continuante velut caelo, ingenti turbine ac procellis, confusionem, manifestam detegente iram in cives, solo Polono sibi; graves, ob dilatam à Deo destinati, à gratis Horoscopi favoribusque; Planetarum jam Electi Regis Electionem. Ibi Mareschalcus pauca praefatus, de insolentia Nobilitatis conquestus est. Sibi enim imputari quod aliorum temeritas deliquisset, nisi ad praesens securitati Reipubl. consulere, se officium suum ac insigne auctoritatis scipionem, quem dextra gestaret, deponere, & in manus Reipubl. fratrumque; à quibus accepisset resignare: à Vexillifero Sendomiriensi cohibitus est. Inventumque; medium, ut nobilitas armata iusto spatio à Rota consisteret.

Firmatum id quoque; communi concordia ut, postera die in Rotam nullarum materiarum tractatus permitteretur, praeter formationem Pactorum Conventorum & condescensionem ad suffragia eligendi Principis.

Aderat dies Mercurii, Sydere illustris honorum Principis, caepitque; Respublica felici illo temporis puncto fati sui nescia honorata iam agere. Nam electo ea die Principe, quae major contingere Reipub. fortuna potuit quam ejus perfectio? caelum serenum erat & amana temperie, nec aestu nec vento nimium, praesagium futurae animorum concordiae fuit. Decima fere hora diei imminebat: cum Mareschalcus Equestris Ordinis persuasus

in signi Nobilitatis frequentia, infrequenti quamvis Senatu sessionem inchoavit. Facta Propositione de non admittendis aliis materiis præter solam nominationem Principis; asserens id hæsterno consensu firmatum immutari non posse: properabatq; ad electionem Factorum Conventorum. At quibus callidè scelestum inerat remorandi aut frustrandi salubria Reipub. consilia studium, cum nondum apud eorum Principales super eligendo Principe aliena à fati & Reipub. salute vota essent expedita, amorem boni publici, leges nimirum Confæderationis de non admittendo electionis actu, nisi prius exorbitantiæ expedirentur, obtendebant. Palatinatus Podoliæ Nobilitas, firmando fortalitio Camenecensi insistebat. Multi asserbant: non decere ad solennitatem nominationis condescendere, spectata notabili Senatus infrequentia. Igitur nomine publico Director Equestris Ordinis assignavit Deputatum, qui Reverendissimum Archiepiscopum Nomine Reip. ad Rotam invitaret. Sed pluribus disidentibus irrita ea legatio fuit. Nonnullis postulantibus, quibus grata & rata in Arce consilia? quæ quidam Nobilis arguendo, Capitaneo Varlavienfi quoddam noctem Gallos vagari per Arcem sineret obiecerat; Catilinaria foveri in sede Regali consilia: utq; privatos satiùs ad Archiepiscopum nomine suo Marschalcus subdelegatos mitteret postulavit. Illi iussa Marschalci sequendo properavere in Arcem. His & similibus concertationibus generosi pectoris magna voce ab Illustrissimo Procancellario Regni obviam itum: qui efficaci suada persuasit omnibus: ut his materiis duarum horarum inducias concederent, acto vero præscripto tempore statim ad Suffragia & Nominationem Principis accederent. Iam illa fortunata temporis Eligendi Regis imminebat periodus, cum Director Equestris Ordinis suscepta voce, missos à se ad Archiepiscopum nuntios retulit rediisse, simulq; ob adversa valetudinis Reverendissimum Primate non posse eorum adesse consilio. Modico interjecto tempore Reverendissimus Episcopus Posnaniensis pauca præfatus, quod sibi in absentia Episcopi Cujavien-
sis, tum & Cracoviensis quamvis non se nescium esse fateretur, ejus Officii dignitatem Majoris Poloniæ Infulatis deberi Senato-

ribus

ribus, id muneris obtigisset, libenter tamen se obire. Flexisq; genibus & cæteris ad eandem reverentiam divini cultus invitatis devoto pectore, madente lachrymis facie: VENI CREATOR SPIRITVS, alta voce oravit: deinde Cruce signatos universos cum Divina benedictione ad suos dimisit Palatinatus. Itaq; Senatores ac Nuntii, quorum Fratres lege communis motus evocati, in armis stabant, ad eos discesserunt. At qui Districtus aut Terræ per Nuntios tantum ad Actum Electionis comparuerant ut M. Ducatus Lithaniæ, Palatinatus Belzensis, Voliniæ, Rusiæ, Prus-
siæ, cæteri; præscriptum Constitutionis sequendo, intra valli pomerium aut vacuum Szopæ spatium factis circulis cum suis Senatoribus ac Episcopis de eligendo Rege deliberarunt. Palatinatus Mariæburgensis, cujus tantum Senatores & Nuntii soli huic rerum transactioni intererant, in Szopam secessit cum Illustrissimo Episcopo Culmensi Regni Procancellario. In unum Terris Prusiiæ consulere usitatum; proinde expeditus est Nuntius à Reverendissimo Procancellario tam ad Reverendissimum Episcopum Varmiensem, quam Palatinos Culmensem & Pomeraniæ, ut adesse in commune nostræ dignarentur deliberationi. Iam sol medium post meridiem cursum tenebat, cum primum numerosè collectæ advenerant Palatinorum autoritates, complacentesq; sibi in loco fixerunt stationem, ante pontem versus munimenta Rotæ, progredi; amplius noluerunt; sed missis ad Palatinatum Mariæburgensem nuntiis ejus præsentiam requirebant. Reverendissimus Episcopus Culmensis nihil volens de merita detrachere dignitate tam propria quam Palatinatus, rursus ad eos expedit nuntios, his exercitus ambitus velitationibus, cum illa pars, etiamsi contra legem usitatumq; morem faceret, de arrogantia tamen nihil remitteret; omne tempus deliberationis nobis suspecta licitatione consumpsisse videbantur. Advolantibus undiq; nuntiis, unum & viginti Palatinatus in Electionem Piasii consensisse, nec jam dissimulari Principem Michaelem Koributum Visniewiecium concordibus vocibus acclamasse, ductu Illustrissimi Procancellarii convenimus in unum, concordibus animis Suffragia nostra in Michaelem conferentes, exclu-

D 3

fo

so Principe Neoburgo, atq; cum hac declaratione, à nobis Ele-
cti Regis, consentiente in eum tota Repub. ad Concives nostros
Terrarum Prusiz nuntios expedivimus, qui eos recollectioris
admonerent animi, suaderentq; ut positis factionibus irent quo
fata ducerent & presentia sequerentur, statimq; ad Rotam cum
Illustrissimo Procancellario progressi sumus. Uniformem Re-
ipub. sensum morabatur cunctatio Nuntiorum M. D. Lithuaniz,
qui æmulatione magnarum Domuum in discordiam præcipites,
factionibus, præter proprium gentis suæ ingenium, nimiam Ma-
gnatum potentiam obnoxii, diversis studiis distrahebantur, nitenti-
bus flagrantissimo ambitu, usq; ad perniciem Reipub., præci-
pui familiarum sui juris principem facere: quodsi uniformi co-
nato & paribus votis universi eligerent, nulla ex eo gratia parti-
bus sperabatur, cum æqualis omnium affectus reus Princeps, nec
eiusquam gratiæ obnoxius, æquanimem erga omnes gesturus
animum sperabatur, quem æquali quoq; in Cives benevolentiam
testificaretur. Iam parare Principem & sibi suisq; firmare re-
bus, quem non ante præoccupaveris, dum liber à negotiis, non
obnoxius arrogantiz, & in mediocri fortuna tutior amicitia,
facilius gratia paratur, difficile admodum, & sæpè privatis eam
felicitem constituisse periculo. Adhæc non modo in annexis
Provinciis & Ducatibus, sed in universo Regno, summos Pro-
ceres, Illustriores Equites & Duces ipsos magna ex parte luxus,
egestatis, facinorum sibi conscios, dum animo Principis & li-
beralitate ex nimiam facilitate abutuntur, summarum expecta-
tionum ex licentia per rerum novarum cupidinem avidi,
Principis ipsius fasce è folio evulso, non alium, quis dubitet?
nisi pollutum obstructumq; meritis suis Principem, fuisse passuros.
Inter ambitum adhuc & turbidas quisq; spes versabatur cum con-
tinua fama & crebri nuncii eos exterruere, electum jam esse Prin-
cipem à Nobilitate Regni, nec dubitari quis esset? MICHAEL
CORIBUTUM nominari. Quod primo magnorum iac-
tet eos certaminum materies: dein ad magis præcipitia conver-
si, distrahere sessionem & in sequentem diem seponere matura-
bant, Deliberationi tempus prætexebatur: sed maligna cura sub-

erat

erat distrahendæ Electionis, quam uti nimio fervore & acri im-
petu Populi coaluisse certum habetur, ita nonnisi mora & inter-
jecto tempore resolvi potuisse: nisi Illustrissimus Regni Procanc-
cellarius inter ambigua & præcipitia, arrepto, ut magni Heroes
solent, in arena consilio, insigni in Principem merito & industria,
obvium sibi Reverendissimum Episcopum Cujaviensem nonnul-
losq; manu arreptos secum ad Rotam Nobilitatis Magni Ducatus
Lithvaniz duxisset: præmissio nuntio qui significaret, venire
ad eos Ordinum Regni nomine Legatos: statimq; ingressi ac de-
bita veneratione excepti preces miscuere: ut dissentire liberè Ele-
cto ab Ordinibus Regni Principi nollent, venireq; in Rotam di-
gnarentur, si quid adhuc in tanto motu animorum displicere eis
videretur, posse id per declarationes Palatinatum componi, satis
interim temporis futurum cuiq; ad deliberationem, quid de Ele-
cto Principe aut bono Reipubl. statuere vellet. Nec diutius de-
liberatum, omnes sedibus suis proruperunt, Rotamq; ingressi sunt,
& cum potissimum deliberatione egerent, festinatione pecca-
bant, quo tum vitio omnia consilia præcipitabantur.

Illustrissimus Regni Procancellarius non servati civis, quamvis
universos servaverat, sed facti Principis Coronam ex asse meruisse
videtur; nam si illa die proxima nox deliberationi adjecta fu-
isset, gloriosum illud procul dubio opus liberæ Electionis concidisset:
sequens enim dies factionibus & conspirationibus iniquis
contradictiones attulisset, si non propalam in Rotam, ob armorum
metum & minores Procerum armati populi potentiam vires: ac
certè non libera, non secunda Principi contigisset electio, & eligi
quoq; infame ac periculosum; dum trahitur suis fatibus, occasio ar-
morum civilium, & Reipubl. per internecina bella perniciosa.
Olzovius festinando Polonis restituit Rem, quando unius pru-
dentiam steterit, ut Princeps secure sedem in Solio figeret, Respubl.
sua fata prosperis transigeret Principis auspiciis, demum quod si-
ne sanguine & cladibus de fortuna Imperii transactum est. Ol-
zovio Patria, Respublica, & utrisq; communicata Majestas ærer-
nam memoriam pro industria pietate debent. At in Rota Illu-
striores Equites Palatinatus Sendomiriensis à Fratibus reversi
cum

eum suo Candidato confiterant, cum quo jam universi Cives, ve-
lut cum facto Principe loquebantur; ipse compositus in modesti-
am, illachrymavit suæ fortunæ, continuò versus ad venerationem
salutantium. Populus moræ impatiens & novi Principatus su-
pra modum avidus, infinitis clamoribus nominationem ejus ur-
gebat, cunctantes ferro se adacturum promittens, & jam minari
assueverat. Reverendissimus Episcopus Cujavienſis accommoda-
tâ voce præſenti temporij diſſeruit: nolle se quiequam in præjudi-
cium Reverendissimi Primatis usurpare authoritatis, cæterum in
absentiâ ejus pariturum Reip. desiderio: ac inprimis gratulari Pa-
triæ quòd Polonis regnaturus sit Rex Polonus. Directoris pro tunc
absentis Gener ipsius, Capitanus Spisensis vices supplēvit, qui ar-
repto Scipione non dissimilia à sermone Episcopi locutus, tandem
ad proferendas Palatinatus invitavit declarationes, copiam decla-
randi inprimis ex Catalogo faciens Palatinatu Posnaniensi, tum
demum cæteris juxta Ordinem legibus præscriptum. Jam extre-
mæ declarationes peragebantur, cum Illustrissimus Primas adven-
nit. Expeditis uniformiter omnibus pro more, ter interrogavit:
an consensus omnium esset eandem cum summa congratulatio-
ne nominavit Principem Electum; jussitq; ad tres Portas valli
(totidem enim erant) proclamare. Io Triumphe, vivat Rex, con-
tinuò clamatum ab omnibus, tum ingenua procumbens: **TE DE-
UM LAUDAMUS** concinuit omnis populus; explosa egregiè
circa circum valli per integram fere horam indefinenter sclopeta,
donec aer obductis fumo, & excusso ab unguâ pulvere nubibus
ater, omne serenum oculis eriperet.

Invitatus post hæc ab Illustrissimo Archiepiscopo Princeps ad
Rhedam, obviis circa templum in arena Minorum Fratrum de
Observantia lucernis exceptus est, atq; in Arcem deductus, mul-
tis Senatorum eum in Arce præstolantibus. Tormenta per to-
tam noctem ad horam ferè sextam post ortum solis pro suo Prin-
cipe toto ore loquebantur. Electionem hanc Poloni Regis non
sine Numinis cura ac manifesto cali favore evenisse ii arbitraban-
tur, qui fortuitos quosq; eventus non incertis causis sed fatiſ,
sed Divinæ attribuunt Providentiæ, Nominatio Piasſti inprimis

in

in Palatinatu Calliffiensi divulgata est, non attento Imperii ar-
cano, posse domi quam alibi Principem Polonos quærere & ha-
bere: juvit id consilium dissonantia inter Palatinatus Electora-
les, notorium futuræ scissionis indicium, plurimis pro Lotha-
ringo, multis sed pervicaciter pro Neoburgo nitentibus: Audi-
ta voce Piasſti, universi in amorem, felici Protopiasti auspicio,
ignoti quamvis boni, ruere; acclamationibus cælum implere: è
vicinò stantes auditis his vocibus idem sentire, ac omnes velut
uno spiritu afflati nihil præter Piasſtum desiderare. Nondum
manifesta inter Nobiles concordia, & iam prospera prodigia
erant futuræ felicitatis nuncia: examen apud Palatinatus Lanci-
ciensis armatam Nobilitatem placidè prætervolans in terra ante
signa confedit; quod jussu Præſectorum in unum collectum Sa-
cerdoti tunc præſenti redditum est. Sub tempus declarationum
in Rota Palatinatum, marina hirundo nivei coloris per medi-
um Rotæ in aere fluctuans à multis visa est. Innocenter albus
color regnaturum Polonis Principem designavit? an vicinis mari
ac Boristheni gentibus malitiam pacis porrendi voluerit? utrumq;
credere consentaneum est. Illud vero potissimum admirationem
humanam superare videtur, cum sit supra humani ingenii capa-
citatem, quomodo in tanta multitudine mortalium, dum suis
aut alienis affectibus obnoxii, factionibus colligati, odiis priva-
tis infensi, ære externæ largitionis gravati, æmulatione & arro-
gantiâ, magnificentia & opum magnitudine Principe facto poti-
ores, jejunæ aliorum, aliorum obrutæ mero voces in unum po-
tuerint coalescere. An quod hos eadem spes fortunæ placatos
reddiderit? illos contemptus rei ludificaverit, quod nunquam
crediderint evenire potuisse quod factum est: publico consensu
victos mirari maluisse quam impedire; dum opus destinatum sæ-
culorum memoria, fata maturabant. id quoq; puto cæteris ac-
cidisse. Consonantiam experrectarum & temulentarum vocum
non scrutor rationibus sed miror: Et dum miror Augustissimæ
Reginæ Poloniæ in Polonos amorem ac protectionem, Divinæ
Majestatis in Filio clementiam depereo: etenim dum Neoburgum
alii, posita in ipso portu bonæ spei votorum confidentia, non

E

erroneâ

erroneâ spe officiis ac veneratione destinabant imperio, alium fata Principem in Sarmatarum favorem salutemq; in occulto tenebant.

Illuxerat festivitas Corporis Christi illustris sumpto de corpore Reip. Polonæ Rege, audientiis matutinum tempus absumptum; Nuncii Apostolici, Cæsaris, & Sueciæ Regis Legatorum. Hora decima egressus est ad templum præstolante cum sacrificio loci ordinario, multis eum Illustribus personis anteeuntibus, deferente Scipionem Regni Cancellario. Templum foribus ab Arce situatis ingressus est, Regaliq; ad dexteram Altaris confedit sede. ingens hominum multitudo copleverat templum, adeo ut nonnullis anxietas deliquii causa fuerit. peracta Missa Concionem seu verius sacram orationem habuit Poplavius. Finita Concione processionaliter Venerabile comitans ad templum Novæ civitatis Matris Augustissimæ processit. Reversusq; Cancellarium Regni cum Procancellario pro prandio habuit. in dultum latitiæ ad horam quartam, cum sol tepescere cæpit multumq; iam de rigore æstus illius diei remissum fuerat; Nobilitas armata in campis Regem expectabat, cui gratias acturus pro suffragiis liberaliter in se collatis, grisei coloris ascendit equum, comitante eum equite Illmo. Procancellario: duo Raitarorum vexilla anteedebant, tum ingens numerus Cavalcate anteequitabat & sequebatur. Stabat cujusq; Palatinatus disposita per acies Nobilitas, à Szopalversus Uiazdow ingentem camporum occupans planitiem; Magnatum sumptuosa satellitia suis quaq; Palatinatibus assistebant; egregie ordinata acies, distincti per gentes exercitus, instructus optimè armis eques, probe vestitus pedestris miles, generosi equi, insignis tubarum ubiq; concentus, tympanorum strepitus, fulgentia signa, latè expansa vexilla, splendore & ferro terribilis miles, in ipsa pace atrox belli facies: nonaginta millia instructi exercitus augebant spectantium animos terrebantq;. Rex ut quamq; accesserat Nobilitatis armata turmam, Palatinis Ducibus grates referrebat, cæteros intecto capite & reclini venerabatur. Ubi præterisset in triumphum ab universis bombardæ explodebantur. Nec tamen ea humanitas Principis sufficit.

sufficit præconcepta de eo Nobilitatis spei & amoris. Querulabantur non occulti, non modo Duces, verum se quoq; pari honore dignos fuisse, cum non Raitarorum Germanorum turmas, sed Equitum Polonorum Ordines præterveheretur: adeo apud Polonos imperia Regum, cum solâ consent subditorum benevolentia, reciproco Principum amore nec dispari humanitate æstimantur. Quatuor plus ultra horarum spacium lustratio robustissimi exercitus absumpsit: quem nemo Regum aut Principum in orbe universo, nullo penitus fortunarum suarum aut publicarum opum dispendio, ne obulo quidem erogato (cum apud Orientales nationes cæterosq; Principes, qui latè orbi imperant omnipotenti Imperio, Timarrorum quoq; exercitus magno eis constare soleat,) facilius comparare & habere potest exercitum, armis optimè instructum, militia peritum, ad bella expeditum, præliorum avidum. Iam sol diem valere jubebat cum Rex in Arcem regredi statuit, ad regressum ejus explosa sunt majores machinæ donec sol diem desereret.

Sequens dies Veneris erat, & à corruptis nimia potentia instrumentis non amoris in Principem, sed odii infelix tela ordiri cæpta est. Instituebantur à male contentis consilia ad impediendum Electionis Actum, cum pridie ultro & præsentis confensissent. Marechalcus in Rotâ Equestri proposuit ut ad Pactorum Conventorum Tractatus descenderent: arrepta occasione urgebant nonnulli, ut in medio Rotæ tractarentur. Sed contra Episcopus Cracoviensis disseruit, antiquo more receptum esse, exorbitantias non in medio Rotæ, sed per Deputatos ex Rotâ tractari, & modificari consuevisse. Usus Illustrissimus Procancellarius occasione, id se optare asseruit, quo maturius expedirentur: jamque à Serenissimo Rege assignatos ad Tractatum Pactorum Conventorum Ministros Sigilli utriusq; gentis tum ex Equestri ordine: quorum nomina ex charta specificavit. Multum temporis pro & contra rationibus distractum est; donec adventu Legatorum, à bellicâ Nobilitatis congregatione sedarentur; quorum unus ferociter declaravit, missos se ab armata Nobilitate, quæ admodum affecta est rumore, quasi impii Cives adversus Electum

Regem perfida consilia molirentur, proinde libenter informari vellent, an cum famâ facta congruerent, reversuros se statim universos & in seditionis capita serio inquisituros. Reverendissimus Archiepiscopus respondit: irrita esse quæ afferentur, & ad odium Magnorum conficta civium. Post hæc unus Legatorum ad genua Reverendissimi Primatis supplex procubuit; obsecrans illum, ut manifestum faceret, si quæ illi nota essent consilia adversus Serenissimum Regem & salutem Reipubl. inita. Medio tempore quo hæc agebantur, vehementissimus turbo exortus est, fuliginosæ cæperunt lucem densare nubes, minari tonitrua, coruscare fulgura, tempestas imbris sævire, donec turbulenta illa materia de Principe mutando finiretur: ipso cælo scelestis ingeniis perfidiam exprobrante. Convenit tandem, ut Pacta conventa per Deputatos in Arce tractarentur in conclavi Reginalis Majestatis, statimq; rediit cæli tranquillitas: assignati sunt, ab Illustrissimo Primace ex Senatu Tres Episcopi, totidem Palatini, & Castellani singuli ex gentibus, à Mareschalco Equestri, bini ex singulis Palatinibus, singuli ex Terris. Expedita Deputatorum nominatione, appropinquante nocte discessum est. Aderat dies Saturni jamq; in Arcem confluxerant universi, qui exorbitantias, qui Pacta conventa maturarent. Convenit à paucis in eum ordinem, qui in Rota definiri non potuit, ut seorsivè utraq; negotia expedirentur. Deputati itaq; ad exorbitantias in Senatorio conclavi remanserunt; quibus Pactorum cura erat, ad Reginale perrexerunt conclave, ubi facta Propositione à Reverendissimo Episcopo Posnaniensi & à Mareschalco Equestri de Ordine & Methodo tractandorum Pactorum conventorum, ut imprimis ea tractarentur, quæ ad Rempublicam pertinerent, postremò quæ circumscribendo Principi conducerent, admittendosq; more majorum Oratores Principis ad declarandos Regiæ Majestatis sensus, censabant suadebantq; multa contrarium sentientium fuere argumenta. Præter consuetudinem & naturam moris Electum esse Regem de corpore Reipublicæ, non ab externo Principe venire Legatos, nihil oblaturos Reipubl. cum nihil largiri possit, satis temporis ad inducendos Oratores ubi communi consensu Pacta conventa coaluissent,

non

non enim expedire, ut ad crudas materias invitarentur. Mora tandem non ratio persuasit ut excipiendos consentirent; Deputati itaq; sunt, aliquot tam Senatorii quam Equestri Ordinis insignes viri, ad introducendos Principis Oratores. Quorum Princeps Reverendissimus Episcopus Cujaviensis disseruit; nullos equidem Reipubl. offerre Serenissimum Regem Milliones, omnia tamen daturum si pacem dederit. Responsum à Reverendissimo Episcopo Vilenensi Sapiha, & à Mareschalco Equestri satis convenienter: tum cum honore dimissi sunt; Convenitq; ut à Mareschalco Equestri, (qui tum scipionem tenebat in absentia Sigilli custodum, liberisq; vocibus præsidebat,) Vladislai Pacta Conventa legerentur, illis addere aut minuere licitum esset; variæ interim materiæ proferebantur, inter quas Illustris sententia enituit, ut Palatinatus cujuslibet Nobilitas in conventibus in locum vacantis subsellii quatuor Candidatos nominaret, Senatorum in Comitibus Regni generalibus pluralitas votorum definiret, cui Princeps dignitatem Satrapæ aut quamcumq; aliam prærogativam conferre deberet. Per illicita petendi via honores ocludi videbatur, restringi ambitus deteriorum, summa adipiscendi per scelera & obscæna adulationis; corruptorum in omne nefas omnis ætatis morum familiares jam licitationes, opulentis largiendi vitiis, quæ virtus meruerat, eripi campus videbatur, aureum sæculum postliminio reduci sperabatur, ubi solas virtutes præmia sequerentur. Utile id in publicum, honestum quâ privatim, firmandæ liberæ Reipubl. eximium Aristocratia Arcanum, paucorum dissensu aut malevolentia, seu potius libidine assentationis, dum præsentia conducerent, modicâ in posterum aut nullâ afferendæ libertatis curâ, irritum fuit. Sessio ejus diei ultra modum, bonorum civium zelo extracta est ad horam fere tertiam pomeridianam, volentium ea temporis indulgentia pacta conventa concludere: ob nimios discursus & altercationes perfici tam pium opus non potuit. Exinde discessum ad Rotam, factaq; copia consulendi de Reipubl. quæsitum à Mareschalco pauca prælocuto, an omnium mens esset legendi puncta, quæ per Deputatos ad Pacta Conventa stetit: pauca fuere, percurri nihilominus omnia à Mare-

Marschalco non potuere, ob vana certamina quæ plus confusionis af-
ferebant, quàm rationis.

Duodecimo Calendas Junii extracta ad meridiem, Sessio
à Deputatis ad Pacta conventa inchoata est; ibi famulante occa-
sione Subjudez Palatinatus Ravenfis Vice-Instigator Regni, liber-
tatem vocis non circumscribendam sed legibus firmandam cen-
suit, si à Serenissimo Principe suprema officia, Sigilla, Campidu-
ctorales Clavæ cæteraq; magni in Republ. momenti potestates
propinquis conferantur, quos ei millenos in sua familia prom-
ptum est invenire. Egregia & illa sententia de Cleinodiis ac Su-
pellestili post decessum Principis Thesauro Reipubl. inferenda &
approprianda, resentimento Reverendissimi Procancellarii; ut
solum id in casu sterilitatis valeret, extenuata. Tandem asseren-
te eo, id quoq; injustum sibi videri, si propriis rebus Domino dis-
ponere non liceat, potestasq; testandæ extremæ voluntatis contra
Jus naturæ ac omne fas eripiatur: non attento, omnem fortu-
nam hausturum Principem è Reipubl. penu, nec ullum tam exi-
guum aut grandioris fortunæ beneficium habiturum, quod non
immerito Reipubl. favori acceptum deberetur, penitus suppressa
est. Inter artes erat secretioris solertix in Contractu nuptiali
Serenissimi Principis aliquam quoq; adjicere conditionem; neq;
neglectum eo in passu vidimus ingenium. Major discrepantia
sensuum rationumq; ubi ad constituendum ordinem Regestri
Comitialium Regni causarum deventum est; omnibus ferè ni-
tentibus, ut causæ eo ordine tractarentur quo in Catalogum seu
registrum inscriptæ fuerint, nec facultas esset Principi eas pro li-
bitu transferendi. Illustrissimus Primas dissonantiam suam ra-
tione tuebatur, futuram eam potestatem regestrandarum causa-
rum in manu scribarum, qui precio corrupti, contra dignitatem
Reipubl. eam sibi usurpabunt cum licentia potestatem. Occul-
tius Reverendissimus Procancellarius suadendo, declinabat in
contrarium sensum, saltem causam magni momenti licitum esset
Principi extra Regestrum ad beneplacitum suum judicare; sed
eam vocem cum aspernarentur & obstreperent vocibus, palam
professus est, id quoq; se ut cæteri Nobilium ex libertate usurpare.

ae præsentem materiam lege firmari nullatenus permittere. Dis-
pari animorum contentione provisionem Serenissimi Principis
abdicati tuebantur; sed renitentibus strenuè Deputatis Equestris
ordinis, cum negotio de Campiductoralis Clava Procancellario
M. Ducatus Lithvanix collata, velut pro subsidio ad Rotam E-
questrem rejecta est. Quamvis forte parum mihi expediorat eas
sententias posteritatis judicio prodere, quæ per incorrupta
majorum instituta & flagranti libertatis zelo honestæ, aut per de-
decus servilis adulationis, vel nimiam spe & prægnanti libidine fu-
turæ potentix, ut in publicum noxiæ, ita cum sine cura libertatis
legumq; agi deprehenderentur, non sine nota & perenni famæ
dehonestamento in familias, vero posteritatis sæculorumq; ex-
penderentur judicio; simulq; quæ tunc rerum facies, quàm la-
befactata Reipubl. forma, quantum publicæ egestate, singulorum
avaritiâ, de antiquo Reipubl. decesserit splendore, assuetis ad li-
citationem animis; ubi vili erat pro precio quæstiosa virtus &
multis libertatis studium profitentibus statimq; negligentibus,
cum non ex amore, sed ex usu, aut ob metum & pudorem, ne
plurium consensu vincerentur, ab honestissimis quibusq; senten-
tiis desciverint. Demum incuriosa virtutis Majorum posterior
ætas meminisset temporum, quam Reipubl. formam primi paren-
tes reliquerint, ulteriora miraretur, præsentia non sequeretur, nec
voto & affectu Rempubl. reddere beatam euperet, sed moribus
& antiquo Legum cultu. In Equestri Rota urgebant Zamoisicii,
impetratâ à Marschalco voce, ut Reipubl. deputare dignaretur
ad Serenissimum Regem, ut ille cum Illustrissima Principissa Ma-
tre sua conferre vellet, & autoritate sua id efficere, ut illis in eo-
rum desideriiis satisfieri posset: promoventibus aliis, aliis negan-
tibus, cæteris lectionem Pactorum conventorum urgentibus, in-
tegra Sessio evanuit.

Postera die in Arce cum de distributione Vacantiarum agere-
tur, Jura Indigenatus Terrarum Prussix strenuè à Regnicolis op-
pugnata, & à nostris egregiâ tuitione propugnata sunt, donec so-
luta sessione ad Rotam Equestrem ea quæstio ab omnibus deciden-
da rejiceretur. In Rota cum Pacta conventa Director Equestris
legere:

legere contenderet. Succamerarius Mscisaviensis arrepta voce conquestus est, se in periculo honoris esse, cum injustam patiatur impetitionem à quodam cive, qui illum prius ad generale forum Capturale provocavit, publicatà verò abrogatione Judiciorum, denuò ad iudicium Marschalci Regni citaverit, ut tandem post discessum suum in periculum honoris conjicere posset. Varia eà super re vota, consensu rata, aut dissensu irrita fuere: ostendentibus nonnullis legem quæ exciperet omnes Nuncios eorumq; familiam à iudiciis quibusvis super eos extendendis; aliis in contrarium afferentibus, eam legem in præsentì actu Electionis subesse exceptioni, cum hic nulli in suis personis Palatinatus repræsentantes Nuncii, sed universa Nobilitas adsit & privato cuique licita activitas. Consensu tamen publico stetit, ut ad Marschalcum Regni Director Equestris deputaret, ut ab eo iudicio Iudici suo abstinere mandaret: ceteri volebant ut Marschalcus Equestris quatuor Deputatos ex singulis gentibus nominaret, qui hanc causam formato Iudicio definirent. Inter has controversias similesq; discursus noctis primordium Rotæ consilium diremit.

Decimo quinto Calendas Junii Solennitas octavæ Corporis Christi pietate Christiana illustris consilium de Repub. ad horam sextam vespertinam retraxit: id ægrè tulere multi, cum eodem tempore & ad Rotam & in Arcem conflueret Equestris ordo ambiguus consilii. Materia Indigenatus iterum occasio concertationibus fuit, remoraq; publicorum consiliorum, nec amplius prolongationem pati posse: In hac porrò Sessione Patrum conventorum cum nihil in vim Conclusionis, sed tantummodo præparationis agirari posset, in Rota Equestri fatius esse de mane Sessionem inchoare, ut ea ratione facilius expediendis Reipub, negotiis occurri posset.

Decimo sexto Calendas Junii solito maturius in Rotam Senatus & Eques convenere. Sessio ultra modum per integram diem continuata, contententibus vota ac spem publicam, operato Consiliorum sine coronare. Expediri nihilominus non potuit ob graves materias & solida rationum certamina. Insignis utilitate Reipub.

Reipub, excusatus invidia communis status ratione conceptus, ne Rex suprema Officia Sigillorum Regni, Præfecturarum Exercitus, cuicumq; conferre præsumeret, sine expresso in Comitibus Regni Generalibus Reipub. iudicio & assensu; contraventione nimio Aulæ favori litantium suppressus est, non sine dolore bonorum Civium, nullis affectibus obnoxiorum. Materia incompatibilium majori motu agitata cum grandiori temporis detrimento, multis pervicaciter urgentibus, quos Radivilianus afflavit favor, ut id quoq; adjiceretur Punctum, salvis modernis possessoribus. Paceani è diametro legem de incompatibilibus reasumum contendebant, sine adjecto, quod subsistere non posset. Vix tandem præcipuorum in Repub. virorum precibus cohibiti sunt, quin in apertas erumperent contentiones: pollicente Reverendissimo Archiepiscopo, brevi temporis momento se dissonos illorum animos suâ aliorumq; obsequii operâ conciliaturum; biduo super tractatu concordie absumpto, irritatis magis animis quam compositis relictis sunt. Reliquum temporis, Provisionis materia Casimiri Principis prodegit, Reverendissimo Episcopo Varmienti Legationem obeunte, & amana quamvis oratione favorem Principi suo quarente, confusionem tamen & invidiam fremantis populi declinare non potuit. Illustrissimus Primas nomine Senatus magnificè & pro causa fidenter respondit: Marschalcus Equestris exploratâ singulorum Palatinatum voluntate; Equestrum quoq; ordinem Provisioni Serenissimi Principis libenter annuere, hac adjectâ cautela, ut Privatorum injuriis civili bello irrogatis satisfiat, Tum Kuropatnicius libenter se Provisioni Serenissimi Principis Casimiri annuere, ita tamen ut & mercatoribus satisfiat, qui datos Tartaris à Supremo Duce Exercituum Regni pro obsidibus insignes milites mille aureis redemerunt. Actum & de perfolvendis ex publico Cataphractorum, vulgò Usarorum vexillo Illustrissimi Principis Campiductoris Regni stipendiis, dumq; alii modos insinuant, Supremus Thesaurarius Regni inopiam Theauri testatur & excusat. Nox, turbo, Procella, confusas materias distraxere,

Primo Calendas Julii tempestivè ad Rotam Senatus & Eques confluerunt, omniaq; ferè Pacta conventa ad meridiem communi concordia confirmata sunt, reliquæ materiæ parem prosperi status eventum præstolabantur. Cùm repente odiorum materies inter partes exarsit, subministrante fomitem Castellano Posnaniensi Grzymatovio per projectum, medium, à tempestate ad res turbandas & convellendam Reipubl. tranquillitatem validum; quasi Radivilius Procancellarius M. Ducatus Lithvaniæ præscriberet Regi Electo leges, suaderetue, quid de eis concedendum aut rejiciendum esset. Jam ad infesta, jam & ad convitia partes transgrediebantur: Cùm rursus Lithvani novis motibus occasionem præbuere, urgentibus nonnullis Lithvanorum exercitus dimissionem, aliis tuentibus suadentibusq;, id quamvis necessarium & utile sibi suisq; rebus esse fateantur, nihilominus tamen aliter id evenire non posse, nisi debita prius stipendia militi numerentur; parabantq; ex consilio Reipubl. seorsivam Sessionem, ut inter se super eo negotio differentias modificare possent. Episcopo Cuiaviensi inter Magnates Lithvaniæ suam interponente auctoritatem firmata concordia; ut Radziuillius minori Sigillo & Campiductionali Clava potiretur, sed bona quæ olim à Palatinatu Vilnensi avulserat, decem millium censu commendata, Supremo Duci Exercitus Lithvanici Pacio, eademq; Palatino Vilnensi dimitteret, hinc certa spes erat eâ die definiendorum Reipubl. Consiliorum. Cum Zamoiscius impetratâ voce acriter conquestus, quod in æquali Reipubl. non flere, non supplicare, iudicio demum finiendi litem facultas misero non daretur, protestatione solemniter facta contra totum Electionis actum, Pactorum conventorum definitionem, & præstando super ea Electi Regis juramento, erumpens ex Rota discessit. Leviter primò & contemptim à Nunciis Palatinatus Sendomiriensis habita ea protestatio, tanquam unus illorum infamiæ pena innodatus, alter complicitatis reus, impedire activitatem totius Rotæ non possent. Diversam ad hæc naturam Comitiorum Electionis à cæteris Regni Comitiiis causabantur; nec mittere ex

Rota

Rota ad revocandos, quamvis multi suadebant urgebantq; permittere: vix consentientes, ut Director Equestris Rotæ nomine suo ad illos privatim expediret, quorum legatio successus vacua fuit: sed postquam Mareschalcum Regni, qui pro tum liberis vocibus præsidebat, posuisse scipionem adverterunt, & libertatis activitati facultatem vocum dispensandi renunciaffe; pro libitu vocibus, prout cuiq; affectus aut ingenium suppeditabat, disseruere. Inter cæteros Judex Sendomiriensis censuit, ut à majoribus præscriptum & concessum arriperent exemplum, qui in similibus Electionis casibus, quatuor aut plures selectos ex Reipubl. viros deputabant, qui contra hujusmodi convulsos Reipubl. Sancitorum, solemnem nomine Reipubl. facerent protestationem, ne Reipubl. securitas, ne Statuum tranquillitas confunderetur: hoc tamen medium eventu irritum fuit, suspicante Reipubl. illum casum non factionis malevolentia, sed justo dolore injuriati civis evenisse, nec multò post ex Rota Equestri discessum est.

Secundo nonas Julii frequentissimo Senatu consultatum, quæ ratione Zamoiscii revocari possent. Tandem ut in metu evenire solet ac Reipubl. periculo, citius quam pro more (cùm deformatis corruptissimæ Reipubl. institutis illud quoq; crudi moris irrepfit inconveniens, minimas etiam materias infinitis imprægnandi discuribus, diversarum obrusu materiarum, dissonas proliferare voces, non rebus sed verbis studere, plus loqui quam sentire, agendi tempora consulendo extrahere, orationem verbis ornare, Reipubl. detrimento temporis, jejunam consilii, velut diata quadam afficere non sanare) communi consensu approbatum est illud medium, ut ad illos Mareschalcus equestris Ordinis mitteret legatum è medio Rotæ publico nomine, proponeretq; illis Reipubl. facilitatem, quæ illos Constitutionis fide assecurare intendat definiendæ eorum causæ in Comitiiis Coronationis, iudicandæ per deputatos 12. ex singulis gentibus: missusq; ad eos Succamerarius Brestensis Cujaviensis, cum hac declaratione, paulò post regressus irritò conatu, nam illi hoc medio male contenti, deputatorum tam grandem numerum pertimescebant, quo-

rum ambitus ut evitari non posset, ita eorum causæ summum adferret discrimen; suum quoq; projectum Reipubl. miserunt, ubi non modo iudicium petebant à Republ., verùm etiam ne ordinatio majorum suorum circa bona Zamoisciana periclitaretur, postulabant. Id rescriptum apud plurimos summæ indignationis motivum fuit, versiq; ad consilia universi, vana rationum momenta afferebant, ut Serenissimo Principi Electo, quoniam Zamoiscius contra firmata præsentis consensu Pacta conventa protestatus sit, Casimiriana Pacta conventa proponerentur, moderna autem, & quicquid Respubl. sub tempus Coronationis offerret, Rex sub nexu præsentis juramenti se rursus alio juramento firmaturum sponderet: Jamq; hoc medium omnium consensum invenisse videbatur; Cùm Reverendissimus Episcopus Cracoviensis contra disseruit, id sibi penitus placere non posse, cum multa inveniuntur in pactis Casimirianis quæ Rex nulla ratione sine læsione conscientiæ & perjurii periculo jurata fide firmare possit, nec præsentem Principem deceat. Tum progressi dubii de protestationibus contra Zamoiscium faciendis publico nomine, disseruere: eum pro hoste Patriæ declarandò; Alii recurrendum esse censebant ad Confederationem super turbatores Reipubl. & scissionis fomentatores ineundam, ex vi Confederationis proponendos Principi articulos, super quos juraret. Ad retinenda præsentia Pacta conventa inclinatos jam animos validius impulit Magnus Cancellarius M. D. Lithvaniæ, asserendo, se super Pacta conventa Casimiriana nulla ratione consentire posse: nam si activitatem Respubl. habere non potest, quomodo in afferendis Regi Pactis conventis Casimirianis novam legem formare possit? Satius esse & honestius, ut Princeps Electus juramento firmet præsentia Pacta conventa, in quæ tota Respubl. & ipsi protestantes consensissent. Conversa proinde omnium vota, an activitatem Respubl. sibi restituere posset? Illustrissimus Primas egregiè servatâ in sua sententiâ mediocritate, assecuranda esse illis, per Constitutionem iudicia censuit, eo adjecto, Rempub. omnes eis concessuram, quæ antea ab ipsa petissent, tum deinde liberè ad felici-

cem

cem consiliorum in coronidem condescendi posse. At Judex Sandomiriensis acriter invehens in Zamoiscios contendebat Reipl. activitati nihil derogatum esse per protestationem à Zamoiscio factam, qui cùm contra totum Actum Electionis protestatus sit, & Pacta conventa in quæ ultrò consenserat; proinde eam protestationem enervem & irritam esse. His aliisq; rationibus extimulati, & approbare videbantur, & non plene consentire super iis consiliis quorum effectum atq; finem desiderabant. Recentia tamen Pacta conventa placuere, utpote quæ multùm præsentis Reip. statui conducere præsumebantur. Jam fatali impetu properabatur, ut Serenissimus REX Electus super ea juramentum præstaret: Exorbitantias verò sub nexu ejusdem juramenti quæ in futura coronatione statim post actum solennitatis tractari deberent, se firmaturum polliceretur; Illæ nihilominus exorbitantiæ quæ in Comitibus præsentibus Electionis publica concordia convulissent, Actis publicis ingrossarentur, quarum extractum Marschalcus Equestris Ordinis futuro Directori Comitiorum Coronationis pro informatione Reip. offerret. Nihil deesse ad Coronidem videbatur, cum Cancellarius M. D. Lith. disservit diem jam deficere: Juramentum Regis Electi nondum lectum esse à Marschalco Equestris Ordinis: materiam M. D. Lith. dimittendi exercitus, qui sine exolutione stipendiorum in Confederationem potius abiret, quam se dimitti pateretur, exolutionem sine tributis contingere non posse. Proinde concederent M. D. Lith. brevem moram, ut saltem crastina die tantum negotium inchoatum in Arce consilio modificare posset. Restabant adhuc expediendarum Sveciæ aliorumq; Principum Legationum materiæ, sed de his nihil tractari poterat sequenti die, sine præsentia Nunciorum M. D. Lith. qui per binos dies materiam suam facilitate non poterant; frequentante nihilominus Rotam Marschalco Equestri ac concessa publicis consiliis discretionem temporis non tardiosâ, sessio solvebatur.

Dies Saturni Comitialis operis finem, aut consiliorum confusionem expectabat. Cum hora tertia postmeridiana universus

F 3

Sena-

Senatus & Eques, intentus quisq; prout cuiq; mens & affectus, prosperis aut adversis votis suis in Rota affuit. Magni Ducatus Lithvaniæ per Deputatos tantum ex confesso suo Reipubl. negotia juvit; nam eâ die ex Arce ad Szopam sessionem suam transulerunt, cum intra tres dies dimittendi exercitus adæquatas non potuissent invenire rationes, cujus negotii decisionem ad futura Coronationis Comiticia rejecerunt. Zamoisciorum Causa rursus controversiarum materies, agendorum consiliorum mora, cum in suis desideriis paulo ante acriter persisterent, insperata mutatione (qui pridie Rempubl. terruerant, trepidabant,) variis in Rota excepti vocibus, ac penè pro hostibus patriæ a nonnullis declarati ac proclamati, & qui prius soli spiritu feroces, adversis suæ causæ leges dabant; Reipubl. Majestatem reveriti, quieti intentiq; mandato Imperatricis Fortunæ & satis submisere animos.

Deerat jam iusta litibus materia. Unde mirabilem confusionem & cum luctu spectare expedit; egregiæ quoq; materiæ, publico juventæ commodo, discursibus agitabantur; & sæpe vanis, aut speciosis rationibus ne coalescerent, corrumpebantur, adeò corrupti a moribus majorum, ut à nulla in universo terrarum orbe Natione, accommodatius illa Paramia usurpari possit, quàm ab inclyto, sed jam declivi Sarmatiæ Regno: Dum Romæ consulitur, Roma periit. Etant in Rota Equestri ex Palatinatu Podlachiæ & Ducatu Mazoviæ, qui publicis sumptibus ad retinendum præsidium in fortalicio Barenfi contradicerent. Coronationis Comitiorum tempus 29. Septembris celebrandum Cracoviæ: particularium in Palatinatibus & districtibus Comitiorum præfixio intra sex septimanas à conclusione Comitiorum Electionis ab Illustrissimo Primate declarata est. Jam Sol diem deserebat, cum a Mareschalco Equestris ordiuis, Rota juramenti Electo Regi exhibenda, super quam postero die juraret, præsentata est. Tum ubi consiliorum finis aderat, Director Equestris insignis officii sui, scipionem ponens, gratias egit pro beneficio liberaliter in se collato Equestri ordini, cui pro ingenti labore & conti-

continuo exantlatis pro Republ. curis, pari officiorum testificatione Equestris ordo reclamavit. Iis diebus advenerant Cosacorum Nuncii pactorum Hadziacensium Confirmationem à Reipubl. & Electo Principe petituri: obedientiam Reipubl. & patriæ amorem, ut quondam, antequam bello servili per summam injuriam & oppressionem status sui miscerentur, promittentes: ac fideliter se Dominio Reipubl. ac Principis Imperio parituros; si paterno affectu in posterum habeantur, & justo regantur imperio.

Ipsis Nonis Julii Rex Electus ad templum progressus est, non capiente Sacra æde, quamvis non angusto spacio, populi multitudinem: Reverendissimo Archiepiscopo ad magnum Altare sacrum celebrante, magno omnium favore, quod raro viderant, laudantium & mirantium: stabant à dextris Archiepiscopalis Eminentia; à sinistris Episcopalis dignitatis insignia, ipse specie Magnificus ore, verbis, aspectu, motu deniq; ad elegantiam compositus, illustrem ejus diei actum oneraverat, ac ornaverat magnificentia: Peracto sacrificio stabat Illustrissimus Primas in eo ornatu quem induerat pro gradibus altaris, tenens manibus Evangelium super quo Rex Jurejurando firmaret Pacta Conventa: Ad quem Princeps pietatis manifestus procedens, flexo genu exhibente ei Rotam Juramenti Archiepiscopo, de more juramentum præstitit. Tum Illustrissimus Primas specie Senatûs, Mareschalco Epuestris Ordinis nomine Nobilitatis grati animi testificationem, suæ quisq; commisit suadæ. Principis ore gratiarum actionem Illustrissimus Palatinus Culmensis Gninscius reddidit. Transactis ceremoniis Mareschalco Forensis clara voce publicavit: Polonos jam iustum Regem habere. Hic finis Comitiorum fuit: confuso tractandorum negotiorum ordine parum decorus; malis artibus & ingeniorum stratagematibus dubius, ac penè insperatus: inversâ electionis methodo, Reipubl. ominosus; altè radicatis periculosus factionibus: nisi quòd malorum metum, & graviora metu ipsa mala, supremâ lege Fatorum Sarmatici fortuna Imperii abolevit.

Faint, illegible text on a light brown, aged paper page. The text is arranged in several horizontal lines, but the characters are too faded to be transcribed accurately. Some faint markings and a small dark spot are visible on the page.

